

皇明名臣琬琰錄卷之十三

梁用之墓碣銘潛

楊文貞公士奇

永樂十五年車駕巡狩北京

仁宗皇帝在春宮監國南京凡南方庶務惟文武除拜
四夷朝獻邊警調發上請行在若祭祀賞罰一切之
務有司具成式啓聞施行事竟則所司具本末奏達
而已

上既有疾兩京距所隔數千里支庶萌異志者內結嬖
倖飾詐為間一二讒人助於外於是禁近之臣侍監
國者惴惴苟活朝暮間賴

上明聖終保全無事小人之計不能行然其意不已也
會南京有陳千戶者擅取民財事覺令旨謫交趾數
日念其軍功貸之召還有言於

上曰上所謫罪人

皇太子曲宥之矣遂赦陳千戶事連贊善梁潛司諫周
冕既逮至

上親問之潛等具實對

上顧翰林學士楊榮等曰事固無預潛他日又諭禮部
尚書呂震曰事亦豈得由潛然猶未悉陳千戶非出
上命謫之也兩人者皆未釋有毀冕者數言其佻薄放

恣不可用遂併潛皆死非命十六年九月十七日也

士君子聞潛死皆嗟惋悼惜又相與出資收殮之文

明門外其妻時隨在北京慟夫非命哀毀不食數日

亦死明年其家始啓殯歸而合葬於泰和縣

原梁氏其先家長沙唐有進士曰震徙荆南又七世

曰勝用仕南唐為徵仕郎徙今泰和又十世贈知吉

州曰達吉二子皆仕宋伯君崇累官起居舍人兵部

員外郎直史館知鳳翔府仲君傑累官同知黃州府

入為翰林院編脩官君崇五世孫著景定三年進士

太常博士知宣州改撫州生才可才可生彥卿彥卿

生不務要陳氏元潮州儒學教授以道之孫生男子
二人長即潛次混潛字用之自幼好學學教疑然有
鉅入志嘗受經於鄉先生王子啓及舅氏陳仲述入
則浸漬不移先生之教父子兄弟討論切確無虛日
故所得率出其同輩用之甫弱冠其文章論議已馳
騁頡頑諸先輩洪武丙子選鄉試明年授四川蒼溪
縣學訓導蒼溪僻遠過使客終歲無幾人而山水可
適其學者前此未嘗遇明師用之樂得其地旦暮坐
講席開諭辨析必盡其說諸生皆忻忻有嚮進意稍
暇獨行清流茂樹間吟詠自得又明年用薦除廣東

四會知縣授承事郎推誠愛民刻宿弊崇寬政臨之
以平易導之以禮讓致勤撫字稍暇輒就學舍親授
業諸生歲餘民咸悅服而爭訟息學校興流徙來歸
以累千計縣有瀧橋河世傳吏有廉平之政即河水
清自用之至訖其去河水澄潔可鑑又明年改陽江
以改陽春治之一如所以治四會者而陽春徭獠環
處稍不得所欲即默怒跳蹶不可制用之待之如子
而不拘於法亦皆盡誠事縣令如父敬恭命令唯恐
不及所歷之處將去人皆遮道留之不得至有流涕
者永樂元年召脩

太祖皇帝實錄書成陞翰林脩撰授承事郎賜白金五十兩織金衣一襲文幣四表裏五年命以本官兼右春坊右贊善進儒林郎時脩永樂大典召至四方儒學老成充纂脩及繕寫之士幾三千人人衆事殷特命太子少師姚廣孝禮部尚書鄭賜總之已而賜卒命禮部翰林院就本院推舉文學服衆者代賜遂舉用之用之方公明決涖事有程而有情慢放肆者有不樂之相與誣其過於

上召問具對云云

上曰梁潛言是遂抵造誣者罪於時以文事裨益

皇太子尤為所重

上幸北京驛召赴行在八年南還十一年復扈從北京十三年考禮部會試十四年南還明年復北狩將發親擇侍從堅國之臣時翰林獨留學士楊士奇特詔尚書夏原吉呂震方賓舉一人副之遂以命用之其在

皇太子前累累進善言皆見嘉納而寵以賜賚是年考應天府鄉試蓋明年及於禍矣嗚呼用之爽闇弘毅耿介自執其智足以燭幾其德足以及物其才足以興理其自任之重不肯下古人凡士君子哀而惜之

夫豈以私用之也哉用之之學通諸經尤長於詩
自十五六已用意周程朱張之學壯而益探其微為
文章馳騁司馬子長韓退之蘇子瞻亦間出莊騷為
奇務去陳言出新意古詩高處逼晉宋所著有史論
若干篇碑傳記序銘頌贊述若干篇五七言古近體
詩若干篇皆可傳後與人交藹然有相輔之義人有
過面謂之不為依阿取容及其能改懽好如初焉用
之死時年五十有三娶楊氏子男四果棻楫榆皆知
務學果棻皆舉鄉貢未升孫男幾皆秀朗可望
造物者殆以是報之歟梁楊世婚姻家余長用之一
歲少學同業壯而仕於朝同官知用之孰有深於予
哉故其美也宜予銘而子非之亦豈出乎私哉銘曰
梗楠之蒼蒼可車可梁靈芝之煌煌瑞世之章曷其
舉之又中毀之夫毀于琢曷全于理有魯魯為善
周祐頽短蹠長從古則有從古則有善者徒傷尚有
傳者其永不亡

前右參議解公墓碣銘續

同前

嗚呼此解公大神之墓美二十有二年矣其友楊士
奇始克序而銘之序曰解氏姬姓其先居鴈門唐同
州刺史琬之孫隱為新州司戶參軍始家廬陵之同

水鄉泰寧六世孫處遷吉水邑中世有科第至諱
中宋太學上舍生諱應辰元高安縣學教諭生諱子
元舉進士授安福州判官兵亂守節死生開先號筠
澗娶高氏進士若鳳之子公之父母也公諱縉字大
紳自幼穎悟絕人五歲父教之書應口成誦七歲賦
詩有老成語十歲日誦數千言終身不忘十三盡讀
四書諸經貫穿其義理老長不能難也而文思溢發
十八舉江西鄉試中第一洪武二十一年會試禮部
中第七廷試讀卷者以所對策論過高抑寘第三甲
時兄綸及女弟之夫黃金華同登第

太祖高皇帝喜其一家三人出仕授綸禮部祠祭主事
公與金華皆中書庶吉士日侍左右甚見愛重閒暇
數召兩人論議考其所學一日

論公曰爾試舉今施政所宜直述以聞即具奏大槩
言

陛下得國之正非唐宋所及取天下於羣盜救生民於
塗炭徐定燕都市不易肆而女寵外戚寺人藩鎮之
患消融底定皆處之有法矣不邇聲色不殖貨利不
為遊畋皆遠過漢唐宋之君而無愧三代聖王矣惟
願善惡一聽於天理而推誠任使不以察為明又言

陛下奉奉於天畏天畏鬼神治民治強暴然畏民者畏天
之本治心者治民之本又言令不必數改數改則民
疑刑不宜太繁太繁則民翫法司近有朋姦罔上倚
法為姦二條下人殆難措手足矣又言

御覽之書宜集唐虞夏商周孔及濂洛關閩之言隨事
類別以備勸戒又言六經殘缺莫甚禮樂宜正禮經
及訪求審樂之儒作樂書又言祀天宜復掃地之規
尊祖宜備七廟之制太常非可以肆俗樂又言僧道
之壯者宜黜之使復人倫經呪之妄者悉火之以杜
訛惑斷瑜伽之教禁符式之科絕鬼巫破淫祀以底

善治又言選人當擇賢否授職當量重輕今大誥有
不為君用之罪則仕者不復擇矣又言古者鄉鄰善
惡必記今雖設申明旌善二亭而無黨庠鄉學之教
互知之法雖嚴訓告之方未備宜取古人治家睦鄰
之法若古藍田呂氏鄉約及今義門鄭氏家範布之
天下世臣大族率化以勸旌之復之為民表率而後
治不難矣又言易曰王公設險以守其國重門擊柝
以待暴客而近世狃於宴安墮城池銷鋒鏑諱言兵
事以為天下已治一旦或有不測之虞何以為備宜
勅有司以時整葺寬之歲月守之里胥額設弓手課

之狀教民以農隙無習兵且乞設武舉以收英才又
言且廣鄉校前代多有書院有學曰有貢事在宜備
復以教養賢士又言極刑之禁慮有遺才給配婦人
恐傷節義既奏

上嘉其識正公素與兵部尚書沈潛不合潛奏公入部
堂索阜隸語嬉慢非禮

上慮公優閑息逸即除江西道監察御史蓋以繁劇玉
成之也時都御史袁泰怙勢家人橫恣諸道御之欲
糾之無敢執筆為章者公揮筆立就歷舉其過章上
雖曲宥泰而一時多其直

上又慮公少涵養將為衆所傾召其父至諭之曰才
生甚難而大器者晚成其以而子歸益進其學又諭
公曰朕於爾義則君臣恩同父子其歸益盡心於古
人後十年來朝朕大用爾遂侍父歸公天分高又感
上大恩歸益自勵而造詣深矣數歲

高皇帝上賓公趨赴臨權臣忌公謂赴臨非詔旨遂請
河州歲餘權臣黜召還以為翰林待詔

太宗皇帝入嗣大位首索公既見寘諸左右深信任之
時朝廷詔勅與凡大制作成出公手奏預密議寵賚
加厚陞侍讀學士奉訓大夫

上初與武臣高福等二三人議建儲文臣惟金忠預皆
靖難時股肱也武臣咸請立皇第二子高煦謂其有
扈從功

上不聽福等叩首請不已終不聽遂召金預議事定然
秘未發明年冊

仁宗皇帝為皇太子封高煦為漢王進公翰林學士兼
右春坊大學士奉議大夫又明年福等初所議頗泄
於外高煦素不樂公言於

上曰藩府之舊無泄者其緡泄之遂出公為廣西布政
司右叅議授朝列大夫又以李至剛言公怨望改交
趾八年入奏事時車駕已出征北虜至京師見

仁宗而歸車駕還高煦言解緡職

上遠出覲儲君徑歸無人臣禮遂徵下獄後三年以病
死獄中素所交游出資斂之外兄高建春歸其柩葬
之高氏公死後家徙邊

仁宗皇帝臨御特赦邊而官其從子禎期為中書舍人
公仕前後不十歲為庶吉士再歲御史未滿歲為學
士四歲兩督學再督學未煥初脩

高皇帝嘗與大臣未嘗大典皆為總裁考會試者一讀廷
試卷者二讀卷者在天下著善教孝友重義輕利過人

太宗嘗與論羣臣御筆書憲義等十人名命各疏于下
上前率引為已過明于知人
首退同官治職事或有失悞公在
此敢爾違犯禮法中興雖忿公然不敢應一語遂
而橫嘗嘗擊人於左順門下公過之叱與曰御座在
且人孰不可與進者不畏強禦承運庫官張興恃寵
野大解子皆無親之求文與書者日福湊率與之無
厭倦意或言有不當與者笑曰雨露豈擇地而施哉
且人孰不可與進者不畏強禦承運庫官張興恃寵
而橫嘗嘗擊人於左順門下公過之叱與曰御座在
此敢爾違犯禮法中興雖忿公然不敢應一語遂
首退同官治職事或有失悞公在
上前率引為已過明于知人

太宗嘗與論羣臣御筆書憲義等十人名命各疏于下
十人者皆

上所信任政事之臣亦多於公善而具以實對於義曰
其資重厚而中無定見於夏原吉曰有德有量而不
遠小人於劉儁曰雖有才幹不知顧義於鄭賜曰可
為君子頗短於才於至剛曰誕而附勢雖才不端
於黃福曰秉心易直縱有執守於陳瑛曰刻於用法
好惡頗端於宋禮曰慙直而苛人怨不恤於陳洽曰
疏通警敏亦不失正於方賓曰簿書之才駟僧之心
既夫

上以授仁宗曰李至剛朕洞燭之矣徐察之

仁宗因問公建文所困諸人對曰皆洪武中人才往事

不足論已遂問尹昌隆王汝玉對曰昌隆君子而量

不弘汝玉文翰不易得所惜者市心耳後十餘年

仁宗出其所奏十人者示士奇且諭之曰人率謂縉狂

士縉非狂向所論皆定見也公之文雄勁奇古新

意疊出叙事高處逼司馬子長韓退之詩豪宕豐贍

似李杜其教學者曰寧為有玉勿作無瑕石書

小楷精絕行草皆其卒以永樂十三年正月十三

日春秋四十有七配徐有賢德子男二禎應卒於徙

所次禎亮孫男女各二

太宗皇帝初召翰林七八入內閣其三出廬陵公與胡

公光大及士奇也三人相與厚而相知深今獨士奇

在胡公墓上之石士奇書之公墓石未有書其可不

書銘曰千里之足越國過都或一蹙之不虞鞭撻百

尋其寸之蝨寧見損於匠輸郁乎紛紛五采承日競

瞻望以忻快何泯沒之遄疾干將地下其神不死尚

有光華天漢之漢

少詹事鄒公墓誌銘濟

同前

永樂二十二年三月初六日詹事府少詹事鄒公卒

於官公之先自雋李從錢唐世高德不仕考壽之博
學有志遭元季亦晦迹不出公諱濟字汝舟蚤喪父
事母以孝稱天資穎敏好學強記稍長游縣庠材識
為固輩所服先生君子多重之餘杭令聘佐教縣學
遂奉母徙家焉而毅然師道自任振起諸生皆趨於
學一新學舍自令丞以下皆嚴敬之秩滿陞中都國
子學錄又陞國子助教一時國學之為師者皆樂與
交為弟子者多樂就其講下無幾坐事自陳左遷西
安府學教授未赴改河間府學用薦者陞平度知州
階奉訓大夫廉簡寬厚吏民安之丁母憂服闋用翰
林脩撰李貫舉脩實錄官事撫要井井有章書成賜
鈔衣一襲幣表裏各四白金五十兩陞禮部儀制郎
中階奉議大夫進奉政大夫時朝廷祭祀冊拜慶養
及儀物制度徵舊章參古典蓋部一資於公詔脩永
樂大典以五人總裁而公預焉安南拒命詔大將軍
帥師征之擇朝臣有文學者往司奏記公承命以行
軍事多所助益安南平踰年餘黨復貳王師再出公
亦繼往還陞廣東布政司右叅政務持大體而簡重
寬平以率郡邑嶺海之區政化行焉坐累左遷吏部
郎中數月擢左春坊左庶子在輔導之職言無不從

寵遇特厚奉命言教

皇孫經明於啓迪滿秩陞詹事府少詹事階中順大夫
公為人和易坦夷不見崖岸於物無所迂自公鄉下
至武人庸隸皆樂親之其學長春秋為文章不煩思
索舉筆率就所居號頤菴客至必具酒相與傾洽遇
朋徒之會山水之游輒欣然從之不以事廢兼嗜老
釋之書旁通深造雖其徒尊宿者鮮或過之蓋春秋
六十有八而卒娶袁氏繼薛氏子男二本榦孫男一
炳公雖歷事三十餘年數更顯任而歿之日家無餘
資惟藏書數千卷而已余與公同為史官時往還後

春坊同寮又十餘年相與益厚於是本榦將奉公之
喪歸葬餘杭以左司直郎金寔所為事狀請銘義不
可辭為叙而銘之銘曰繫公之興自儒師誥誥執業
趨臯比表植模範懸著龜陟于上庠閱厥施綉書石
室登金闈討論五禮宗伯資叅贊戎幙文翰馳旬宣
出佐南海涯官坊入侍騰龍輝猗公歷試罔不宜劇
觚削畦和以夷有不為公矩入規盍視公履誰疾疢
天目之趾公全歸後欲考德徵銘詩子幹歷官至禮部尚書

翰林院學士王公景彰墓碑銘景陳侍郎連

翰林院學士王公卒之十有五年其子應天府儒學

訓導貫始具事狀來請曰先君棄世時貫兄弟俱幼
不及請銘當世立言君子今宰木已拱墓道之石未
有刻詞罔以昭于幽潛倘畀一言銘之存歿知感也
予記洪武季年助教國子公居翰林獲接緒論啓迪
良多公自揖館思之弗置今有貫之請烏得以不腆
之文辭乎按狀公諱景字景彰自號常齋姓王氏世
為括蒼松陽人唐觀察使朗之後代有聞人宋南渡
以從龍功得官者十有三人遂為大族七世祖利政
高州助教六世祖祖光大理評事越二世諱宗儒仕
至國子祭酒者曾大父也諱可仕卓有學行鄉邑推
尊者大父也父諱必莊博極羣書通性理之學公自
幼聰敏異常而有至性十歲通尚書十五舉業成時
元鼎已沸乃闢常齋以屏世紛益求性命道德仁義
之說期於實踐凡經史子集涉獵殆遍發為文章高
深雄健得古作者意當

國朝洪武三年郡邑交薦不就又明年由科目進其
父語之曰吾家世受宋爵暨元不競汝生命在斗箕
此其兆也當思先世以儒道顯希聖賢之迹立身行
道非止於事親當移忠於君也汝其勉之公拳拳服
膺及至京師麻陽懷遠教諭時方兵燹後學校甫興

之遺塵塵無倦士子多有成就上于天官考為九州
二十五縣革命未下而父卒聞訃哀號頓絕後幾死
治喪悉從古制服除有旨徵天下博學之士浙江布
政使安然以公應詔既至訪以治道日直翰林隨班
朝見錫宴西序製潘王朝覲儀改賜日本書作樂章
與京城鐘鼓樓記

太祖皇帝皆親覽尋陞大名開州知州發其素蘊以施
於政寬而平明而恕不為淺功近利民皆安之復精
學宮建壇埤勸農桑均賦役得新籍戶三千口若干

田賦稱是會以疾歸鄉里明年徵赴闕御書姓名于
策命覆檢山東諸司牋奏日給食大官亡何授山西
布政使司右叅政與右布政使韓宜可俱乘傳至官
夙夜祇若以承流宣化為已任振紀綱恤民隱厚風
俗清吏弊善彰惡瘴百司肅然上下虛心屬自冀見
真儒之用不意有以稅糧撓法者按之不伏辜上章
誣以事與韓同謫居雲南臨安篔簹屢空不以介意
日以經史自娛雖故人餽遺非義者一不受自總兵
西平侯及文武縉紳莫不禮重之仰思朝廷聲教軼
于前代撰統歌二十平雲南頌一鋪歌

聖德以潤色鴻業以為碑銘記序雜文又若干卷洪武
季年召回入翰林會太夫人項卒守制于家服闋回
京

太宗即位初授翰林侍講未幾陞學士階奉政大夫居
清華之地掌絲綸之命日承顧問寵眷益隆及脩
太祖高皇帝實錄與永樂大典俱為總裁書成賞資優
渥復督清文武官貼黃舉有成績兩典文衡去取至
公號為得人六年以疾終于官葬江寧鳳樓鄉之原
元至元丙子四月十五其生之辰永樂戊子七月十
三其卒之日享年七十三配毛氏先卒繼李氏文夫
子五曰宏曰荆先卒曰誠曰信克承其家曰貫癸卯
貢士洪惟國家撫有萬方民物康阜宜有博學者俊
之士詠歌德業以賁飾一代之盛而公奮由科第累
官藩臣雖楚屈復仲終躋翰苑用能以弘才碩學典
司帝製黼黻皇猷潤色鴻業為當代偉人究其平生
克孝輸忠服仁履義宜享百齡乃七袞有三而止邪
其文章為當世所重在翰林有玉堂稿在黔中有南
詔稿藏于家既叙其事復係以銘銘曰有偉王公觀
察之膏自唐迄宋代有祿位宗友著碩蔚為名宗詩
禮相承文學是崇國家龍興顯用儒術公由科第膺

然而出首後文雖無別解有後化事與車有金
病未幾應詔而起出奉大藩政聲赫煒青蠅與謗白
辭矣傷請居黔中不易厥常受知元戎縉紳加禮文
章愈竒志節益厲恭承召命萬里回京預職纂脩彌
光以亨會未幾時祭陞院長寵過日隆士類敬仰論
思獻納期竭厥忠胡不憊道脩然告終鳳樓之原是
為玄宅墓石有辭過者必式

左侍郎劉公墓誌銘

胡祭酒儼

北京行部左侍郎劉公既卒其孫徵以予與公同
寓書奉牒來求墓誌按狀公諱辰字伯靜姓劉氏其
先沛人後徙鄆遷楚之金華則自公之曾祖三顧始
也三顧仕元為明台上萬戶府經歷幼鞠于舅氏王
遂因其姓故公之祖文璜父志皆姓王氏至公復姓
劉公慷慨負氣下喜立功業以表見于世初王師親
下婺州公首上謁署為典籤奉命使方谷真谷真令
左右飾二姬以進公峻却之其人慚而退浙江左丞
李文忠開省于嚴辟公置幙下以資贊畫時元帥莫
俊守廣信當祁寒集丁夫浚城濠民苦之欲為變文
忠止之不聽遂怒欲臨以兵公請往諭以大義俊即
悔悟謝文忠意乃釋既而授監辦金華茶鹽官秩滿

課最以親老歸養教授鄉閭嘗遭過故人李惟中死於逆旅具棺斂瘞之任吳母喪不舉遺金葬之未幾二親繼歿執喪哀毀不勝衣所居室廬僅蔽風雨饋粥或不繼處之裕如也里人劉十八懷金入城遇二卒圖其金與飲醉之扶行水次欲加害公見力解之獲免後以懷材抱德起為湖廣道監察御史臨江同知陳斌受賕及銀工盜金皆坐死公為辯之得減死論居二年以蹇諤聞擢知鎮江府興廢舉墜勤於其政聞宋宗忠簡公墓在丹徒荒穢墓田據於民即加封樹復其由令墓傍寺僧收田之人以主其祀丹陽道接旬容細民任負載者往往日暮行劫行旅患之公嚴為禁盜遂息郡有瀕江田五十餘頃歲久淤沒仍責賦於民公請于朝除之京口開廢舟楫不通東南漕運者轉新河江陰二港以出江多為風濤阻溺公乃自京口至呂城百二十里去淤塞甃石作壩脩閘門順水勢之出入於是公私便之然漕河源淺易涸每仰練湖以益水湖有三斗門亦廢公又脩築之三斗門成漕運之舟既通湖下之田益盛將浙河轉輸之民道其境上死者為收瘞瘞者活未年以小舟送出境賴以活者數百人永樂元年夏六月以預

脩國史知故實賜白金文綺粟米陞江西南陽府知府
叅政至則以久雨江水汎溢九江諸郡瀕江之田皆
澇飢民為盜富室多罹其害公即檄郡邑勸富民出
粟以貸飢者蠲其稅以當其息官為主奉勸明年備
本粟由是富者樂從飢者得食南安贛州等九府荒
田糧六萬石有司歲抑取於民民不堪公以聞悉蠲
其額後以同官坐事相連免歸永樂六年秋命下復
起為北京行部左侍郎出特恩也公以老不任政日
被顧問晉京師者三年乃賜勅書文綺鈔錠致仕歸
踰年後驛召至京命督工武當未行疾作又賜鈔錠

遣官督醫給驛舟送還至常

陵驛遂卒實永樂

十年七月二十三日春秋七十有

孫祚奉柩歸葬

文星門下閣塘先塋之次是年冬十二月九日也娶
陸氏董氏董元中書叅政嘉訥女陸氏有婦道子男
二人徵觀觀早世女二人孫三人祚祺禧子與公為
同史館知公為人直諫多聞而公亦以此自信有古
尸士風可尚已銘曰不撓不汙而端其趨不激不隨
而安以居恩榮始終而善不虛嗚呼來祀欲知其人
視此刻珉

肇慶府知府贈禮部侍郎王公神道碑 秦

世自漢以來有道之士有碑有位之士有碑用紀德
善勲業聲名為世昭監故肇慶府知府王公以子官
加贈通議大夫禮部左侍郎有道有位有紀述表之
神道公諱泰字伯貞晉司徒導之後其先自金陵徙
泰和高祖芳洲妣曾氏曾祖天隱妣劉氏祖臣則妣
彭氏考竹亭先生元福建行省照磨改吉安路治中
妣陳氏繼李氏其先也公天資瓌偉襟度豁達自幼
穎悟日記千言甫冠羣經諸史悉通大義發為文章
浩大如也常從安成劉雲章受易經盡得其蘊諸父
啓翁僉憲廣西公徃省之由庾嶺過蒼梧憇桂林及
師足迹半天下而山川清勝皆在觀覽中一時賢士
夫皆得與交游由是志意益恢弘文思益闊遠鄉里
老師宿儒亟稱譽之自以為不可及其問學也公字
學深得晉人書法若陰陽地理醫卜方外之書悉得
其要又餘事焉公性至孝家居時母陳夫人病侍疾
晝夜不解帶湯藥必嘗而後進考及繼母疾以官守
不及親侍抱恨終身啓翁罷歸無子公躬養之終身
撫其孤女得所歸慶宗族親戚咸有恩意其接

人以誠信未嘗言人過失自奉儉約義所當存他
不計其有無論居安履恬進自如所與處者無不敬
愛嘗曰吾所守者三言循天理而已其躬行之實也
洪武壬戌朝廷聘賢才講求治道有司以公應詔
太祖皇帝召問論及太極公備陳其蘊時天下應詔者
五百餘人

上御奉天門試經學及時務擢公第一且命公次第其
餘

上以為公論授廣東按察司分巡雷州府海康縣知縣
事會罷分巡僉事召還吏部請改官

上曰江西秀才三秦頗讀書授工部主事時工部尚書

趙俊特為

上所眷欲公與之講學公初不知也既莅事後迺諭

上意未幾遭父喪去以家故滯於謁選坐是謫安慶者
十年戊寅膺薦授瓊州知府復以母喪去服闋改知
肇慶其遭際歷履也為僉事至則詢民利害興革之
上言振寬滯恤蘇寨防海寇革海北鹽法之弊開時
呂塘廢渠灌東洋田皆功時務其授瓊州父老聞之
喜曰是先巡按雷州王公罪責獨有父母矣守將奏
崖州黎叛請兵勦之公適至謂曰此但黎人警報耳

兵發則禍及無辜。公以是任其事，乃遣廉吏往察之。已而果如公言，悉釋免其兵，請洞成服。凡令下，趨奉無後者，瓊曰：歲三獲所入，善薄租皆給守土將士。將士每乘其之橫，然之公，令民無獲則輸其祖，民遂免。害奸頑之徒，憚公嚴明，陰誣其過，竟無所得，遂愧服。郡民健訟，一事或連十百人，吏緣為奸，民不勝其擾。多亡生，黎中公諭以理，訟日以簡。復業者萬二千餘口。由是郡中無事，乃脩學政，新廟宇，學者興起。為南最郡中，嘗大旱，父老巫祝禱之，終不雨。公曰：是吾責也。乃齋沐，恭靈禱之。烈日中，明日大雨而半舍外尚

焦然。公再禱之，復大雨。是歲郡大熟，及去官，送者十餘里。既去而思之，不忘其政績也。改肇慶時年七十有五，乃以疾卒于京師。永樂丙申七月九日也。配歐陽氏克相，君子為中族表儀。繼蕭氏子二人，長信仲，直由翰林歷官拜吏部尚書。女一孫男八人，積國子博士，株，越，種，秬，鎮，雅，穆，女三人。詩文遺稿千餘篇。公卒時，直以翰林脩撰，偕其兄奉喪南還。是年十月，日，堊，泰，和，于，秋，鄉，新，山，原，越，五，年，原，甲，有，泉，出，乃，以，季，戊，未，月，日，故，壘，雲，亭，鄉，之，聶，家，山，直，屬，泰，神，道，碑，文，余，以，不，敢，辭，遂，惟，昔，嘗，得，拜，公，其，儀，刑，遂，令，在

日義不可辨焉之無曰詩書世澤庶廟器宜新宜相
普厥施乃臨南服司憲施乃分虎符專郡治所至致
治治民心在我有餘克收濟矧惟利器恒歛銳天之
福善庸有既不盈其躬于其類恩典駢蕃褒所自龍
光自天燭幽窺谷可陵兮山可礪允矣我銘貽永世

皇明名臣琬琰錄卷之十四

河間忠武王張公神道碑銘 玉楊文貞公士奇

王諱玉字世美姓張氏世家河南開封之祥符曾祖

■祖 ■父天佑皆追封榮國公曾祖 ■祖妣劉妣

王皆追封榮國夫人王初仕元為樞密知院已而灼

知天命洪武乙丑自拔來歸我

太祖高皇帝禮遇甚厚王感奮思效戊辰從征卜漁海

子哈喇哈之地以功授濟南衛副千戶又從勦粉紅

帖木兒至延安延州還陞明威將軍安慶衛指揮僉

事庚午從征水順散毛諸洞辛未逐北虜之侵邊者

至鴉寒山而還謂燕山左護衛奏百追虜至黑松林
甲戌征野人等虜陞都指揮同知戊寅朝廷用讒加
兵親藩事急

太宗皇帝不得已舉靖難之師帷幄謀畫悉以任王王
推誠致慮夙夜不懈事可否進止衆論紛紜未定者
王正色數語決之咸中機宜故凡舉措必咨於王首
用王策奪此平九門撫順討逆三日城內外悉定師
將南出王曰不先定薊州將為後患薊平餘不足平
時薊州守馬宣謀起兵迎拒

上命王討之王至諭之不下環城攻之宣率衆出戰遂
執宣殺之并執指揮毛某王知其可用釋不殺送詣
北平遂撫輯軍民是夜急趨遵化豫戒將士止殺曰
師行以得人心為本遂簡敢勇士四鼓登陴開其城
門將士皆入城中始覺守將率衆拒戰執其將斬之
餘不傷一人將吏悉隨王上謁遂移師永平密雲皆
望風輸款從至灤河王進曰都督潘忠楊松在莫州
阨吾南路宜先禽之

上悅遂親發兵命王為先鋒用其計取涿州雄縣生禽
潘楊時長興侯耿炳文率兵二十萬屯真定王自請
往覘之還言軍無紀律且其土有敗氣無能為

上至無極以敵衆我寡欲試諸將勇怯召問今舉兵所
嚮且度可必勝否衆未有通說王曰今當徑趨真定
彼雖衆然新集未齊我軍乘勝一鼓可破之

上曰玉言合吾意吾倚玉一人足辦明日抵真定接戰
耿炳文大敗幾被擒獲其左副將駙馬都尉李堅右
副將軍都督竄忠及都督顧成等斬首三萬餘級獲
馬二萬復敗安陸侯吳傑軍

上召王諭曰汝之功也非汝與吾意合不及此永平馳
報江陰侯吳高等以遼東兵攻圍城急又牒報曹國
公李景隆引兵數十萬將攻撫平城

一與王謀先援永平既至高等望風棄輜乘遁王從

上追之斬獲甚衆王言大寧去此不遠請移軍襲之可
免後顧從之遂從攻大寧自辰至午城破斬其都指
揮朱鑑執都指揮房寬下令安撫城中頃刻而定北
平報李景隆兵圍城遂旋師王請先攻其營然後歸
援從之徑擣景隆營大戰三日城中亦鼓譟出表裏
夾攻景隆軍不支大敗遁去從攻廣昌蔚州進攻大
同悉下牒報景隆收潰散卒號百萬且復至王言兵
貴神速先事者勝任駐白溝河以逸待勞可必勝也

上命王率衆馳往三日景隆兵至王以精騎擊之

斬賊無算景隆獲大敗收餘卒還保濟南東唐邊
圍其城既而解圍還攻滄州獲其大將徐凱進攻東
昌敵列陣決戰

上以數千騎繞出陣後敵圍數匝

上已衝擊而出玉不知

上所在突入敵陣大戰連殺百數十人王亦被創而歿
十二月廿五日云春秋五十有八

上哭之慟既旋師諸將皆侍語及東昌事

上曰勝負兵家常事不足計所恨艱難之際失張玉良
輔吾至今寢不帖席食不下咽隕涕不已諸將皆泣

上既正大統行報功之典顧侍臣曰張玉才備智勇論
靖難功當第一惜其蚤沒贈奉天靖難推誠宣力武
臣特進榮祿大夫右柱國追封榮國公謚忠顯進封
其三代考妣

仁宗皇帝在春宮數與侍臣言張玉識見謀畧卓然老
成非諸將所及且端方匡直之益誠難得也既嗣位
加封河間王改謚忠武告於廟以配享

太宗親制祭王之文有秉義懷忠一心為國靖難之際
發謀奮勇百戰當前所嚮風靡大功垂成挺身陷陣
惟義所在視死如歸忠精貫于星日功烈揚於竹帛

之廣蓋王為人莊重果毅涉獵書史明其大義而識
慮高遠治家禮法秩然奉命行師紀律嚴肅與士卒
同甘苦未嘗妄戮一人每語麾下曰為將當濺血戰
袍流芳汗簡蓋其殉國之志素定古名將何過焉配
王氏樞密院判執中之女累封王夫人子男三長輔
起武功累進奉天靖難宣力輔運佐理武臣特進光
祿大夫左柱國英國公太師監脩國史知經筵事功
德茂碩為國元臣次輓神策衛指揮使次軌錦衣衛
指揮同知女一永樂中冊為貴妃孫男六長忠授勅
衛次鑑次瑾次斌次某余陪大師公在史館經筵又

以余永樂洪熙從臣實聞

二聖所嘗論王者屬銘神道之碑敬叙而銘之銘曰

文皇奉天中興邦國桓桓忠武奮起羽翼惟幄密勿長
策深畫上契淵衷魚水之得義旗肇舉仗劍先驅歟
城九門功其權輿取薊遵化如探穴雞執其抗鋒摧
朽折枯龍馭既南大旆在前連下雄鄭邁奮常山長
河無險鐵城不堅撫降殲逆德威並宣決志敵愾建
恤厥躬精誠貫日勁氣吐虹聊城之塵髮怒上衝先
軫戰旗千載一忠王勞在國王績在史王嗣象賢益
閔以偉帶礪山河廷有明誓清廟陟配逾千萬祀

成國朱公東平武烈王神道碑銘

楊文貞公士奇

天命仁聖為下民主必生文武材畧恢傑弘偉之士
為之輔翼相與協力一心靖暴亂致治平以建非常
之功夫肇創之績難矣中興尤非易也故前史贊勳
臣率以肇創中興並言若我

太宗文皇帝龍興北藩安宗社於將危保洪業於永固
其功蓋又有難者以一隅之衆而應四方強盛之敵
靡堅不摧靡剛不馴固自天之所定亦必有材略恢
傑弘偉之佐以效夫䟽附先後奔走禦侮之能是以

大功之成勃然莫之能禦也若時東平武烈王其偉
然特出者乎王姓朱諱能字士弘世家鳳陽之懷遠

曾祖考 妣 氏祖考 妣 氏父亮從

太祖皇帝征伐有功累陞武毅將軍燕山中護衛副千
戶謹持行善撫士有譽於時母 氏王生有令質自
少喜讀書事父母至孝洪武甲戌襲父職事

太宗皇帝於藩邸小心慎恭未嘗少懈而撫恤下人一
如其父甚為

上所信任 夕侍不去側奉天靖難之師初興惟樞密
議惟河間忠武王與王預馬時北平三司之交構造

禍者王與忠武建議率麾下首擒之遂奪城九門
綏城內外三日人心大定引兵攻薊州擒其將都指
揮馬宣等遂取遵化永平密雲從

上攻灤河既還從克雄縣首破其東門敵衆敗走追及
於月漾橋執其總帥都督楊松潘忠等復追其餘衆
於鄭州斬獲不可數計乘勝長驅入真定大敗長興
侯耿秉文兵時王獨與敢死士三十餘騎追奔至滹
沱河秉文衆尚數萬復列陳嚮王王奮勇大呼衝入
敵陣敵衆披靡自相蹂躪死者無算棄甲來降者三
千餘人

上大悅賜書褒諭永平馳報江陰侯吳高以遼東兵攻
城急王從

上赴援高遁走王追及之多所殺獲遂從定大寧戮其
拒命撫輯其衆而還時曹國公李景隆率兵攻北平
城王從

上至鄭村埧與景隆兵遇大戰敗之進攻其營又敗之
景隆兵列營九門者連敗之城中之兵亦出兵夾擊景隆
狼狽走王從攻廣昌蔚州大同次第悉下景隆復收
潰散之卒號百萬來攻

上親摧之王爲前鋒午至白溝河敗其都指揮平安軍

及申又與敵兵戰大敗之明日王領左哨當前鋒又大敗敵盡克其岩棚敵走保濟南王率衆追之至鐔山敵嚴兵列陣以待王連破之敵衆釋兵降萬餘人王以聞

上悉撫而縱之蓋自是敵兵戴德皆願來歸無復鬪志然

上得之即遣之不畱王從攻滄州先破其東門入城斬首六萬餘級敵震懼遂獲其總帥徐凱進攻東昌敵列陣決戰

上以數千騎出陣後敵圍

上數匝王奮力翼

上以出進戰夾河王為奇兵先鋒大敗敵將盛庸兵又敗平安兵于藁城之奔至真定戰其東門斬首萬餘級遂略彰德及定州勦西水寨已而敗敵將李文於德州遂克東阿東平破汶上諸寨設伏泚河敗平安兵十萬餘進戰小河為敵所乘稍却諸將遽請旋師獨王力勸

上行曰用兵未必常勝豈可因小挫輒自沮項羽百戰百勝竟亡漢高屢敗而終興自廢下舉兵來克捷多矣此小挫何足置意但當以宗社為重整兵前進耳

上撫掌嘆曰爾言漢金吾心進行至靈壁敵成兵迎擊
王先登陷陣大敗之生擒其副總兵陳暉平安泰將
馬溥徐真及都指揮三十餘人獲馬二萬敵衆死者
屍蔽原野降者數十萬人悉縱遣之進克泗州渡淮
敗盛庸兵遂克盱眙下揚州從

上渡江入京師內難平諸王臣民推戴

上承大統論靖難功王居首賜號奉天靖難推誠宣力
武臣特進榮祿大夫右柱國左軍都督府左都督封
成國公食祿三千五百石子孫世襲賜諡恭肅封三
代考皆成國公妣皆成國夫人永樂二年命燕太子

太傅四年安南黎季犛弑其國主毒虐下民拒遏詔
使數諭弗悛遂發兵討罪命王總兵佩征夷大將軍
印率左右副將軍左右叅將及神機橫海驃騎游擊
鷹揚五將軍兵八十萬討之瀕行

上親送之龍江師至廣西

上顧侍臣曰朕夜察天象西帥有憂其朱能乎然能足
辦斯事朕第慮氣候非其所習耳喻旬訃聞

上震悼輟視朝五日一時同王從舉義者永康侯徐忠
等十數人皆入奉慰

上洒泣曰方艱難時協力一心相濟能其首也且其素

存心行事皆應達到身處止此言已益酸楚左右皆
流涕莫敢仰視蓋王至龍州嬰疾堯十月初二日也
春秋三十有七

上親為文祭之宸衷悲愴溢於言表讀者皆為泣下賻
恤特厚追封東平郡王賜謚武烈并加贈其三代皆
王爵

仁宗皇帝臨御特詔王配享

太宗廟廷賜祭之文尤極褒重蓋當時元功之首也王
頎然魁碩勇力過人器宇宏博智識高遠雍容端重
辭氣溫裕廣坐羣議王折衷之詞簡理當無不心服

善馭將士教訓撫恤親若父子紀律明肅無敢踰越
每遇勁敵大呼馳鬪以一敵百敵皆望風辟易懷綏
降附恩惠周至出謀制勝靡有遺策尤善用才人率
歸心雖古名將不過是也葬昌平北澤山之原配王
氏累封東平郡王夫人子男若干長男襲封成國公
太子太保孫男若干永樂初 侍講禁林凡軍國事
預陪廷議恒與王接知之有素至是太保公屬書神
道之碑敬叙而為銘銘曰明聖之興天實命之必有
名世輔翼攸資

文皇大聖奉藩恭恪天特啓之內難奄作有不得已義

旗幟揚揚彬文武風雲奮興于時東平雄才弘略夜
寐夙興密侍帷幄刈違撫順式宣德音環城中外有
截一心金戈所嚮漁陽風靡永平不固大寧傾圮後
顧無虞前驅翩翩折朽雄鄭推堅中山益都追奔滄
州殲逆咸奮先登電掃霆擊青齊既怙踊躍而南持
志決徃宗社為心靈璧疾下長淮飛渡茫茫圻甸有
迓無拒大江無險內難廓清翼龍升御天開日明國
有元良遂兼儲傳端肅之行寬仁之度南交弗靖奉
命徂征師未出疆大星墮營天不憖遺堂柱遽仆
帝聞盡傷卹典隆厚忠存社稷勲載簡編偉哉嗣興顯

顯象賢河山有誓追崇有詔

皇明萬年永配清廟

定西侯漚國武勇蔣公神道碑貴

錢文通公

蔣周公之胤以國氏漢未有諱于文者淮南人仕為
株陵尉遂盜至鍾山下而亡木著靈異隆于祀典子
孫散處于淮代有聞人而公其裔也然未有如公之
顯者公諱貴字大富揚之江都人父從龍當元之季
以義勇附

太祖起淮甸洪武十一年募燕山中護衛侍親王之國

大即

山公上於大志國合文也公人不肯獻明六文二

太宗也公生有大志恒念父功屈人下甫冠即代役三十一年舉義克雄縣攻大寧戰鄭村塢取廣昌蔚州白溝河戰勝圍濟南回取滄州戰夾河藁城克西水寨改敵將平安軍于肥河戰靈壁收泗州遂渡江入京師功或論次自十夫長陞至昌國衛指揮同知後征交趾四征沙漠敗阿魯台于九龍口洪熙元年復至大松嶺擒殺賊衆陞都指揮僉事調掌彭城衛事宣德二年四川松潘夷叛以公克右叅將率軍捕之首募鄉道從東路險絕屢攀緣而進賊驚曰兵從天上来邪一日戰十數合以全勝聞賜勅有奔橋斬關

如古良將之譽明年陞都指揮同知鎮守密雲諸關番夷復叛仍克叅將討之尋陞左軍都督僉事克副總兵公謂夷性變詐非長驅撲滅患未可弭乃大閱士連破黑虎等四十餘寨斬首千五百級生擒稱是拔崖箐死者無算夷遂寧謐賜勅獎諭陞都督同知克總兵官佩平蠻將軍印鎮守其地凡事有利害悉奏罷行之就威州千戶所建州治興儒學使知所教列屯而耕易木棚以後遠近堡壘相望使知所守稟度以足人心大安正統改元召還陞右都督特西戎偽主阿台等寇甘肅遠將廢夫利命公佩平虜將軍

印率京營五千騎征勦北陝西及甘肅涼州等處
軍悉聽節制兵至鎮番出魚兒海子哨遇時虜酋犯
禿孛羅率衆犯莊浪公命將禦之生縛孛羅等百人
又諜報阿台屯伏河西遂躡踪倍道至亂山奮勇衝
入且追且殺至石城泉斬首二百餘盡獲其馬駝衣
械虜有逃奴來言阿台所在公議即往副將李安沮
之公拔劍厲聲曰汝性邊寄肉食且數年坐視其縱
橫不制尚掉三寸舌以撓我師敢復諫者死乃策馬
前馳見賊遂整陣而前生擒男婦數十人送營謀復
知其不遠令軍士疾走至兀魯祥見虜牧馬遂約衝

馬羣以鞭擊箭索聲驚之馬盡佚虜既失馬皆輓弓
步戰不決即令衆躍馬揮刀齊入以旗牌手督之遂
大捷內擒一胡譯審自石城泉敗衄止餘八百精勇
者公得其情乃分為犄角勢列五百騎為左右翼縱
百騎登高峻疑之既遇賊夾擊轉戰逾九十里阿台
亦窘死西土遂寧捷聞遣中官齎綵段白金宴勞封
奉天翊衛推誠宣力武臣特進榮祿大夫柱國定西
伯食祿千二百石給世襲誥券追封其曾祖三公祖
八公父從龍皆定西伯曾祖妣楊祖妣杜妣程皆伯
夫人留鎮甘涼四年召還以雲南麓川宣慰任發

屢寇邊六年命公充總兵官佩平蠻將軍印賜蟒袍銀盔甲以行公與總督兵部尚書王驥至雲南衆謂瘴發不宜進公謂尚書曰賊毒吾民甚可坐視邪遂遣兵勦之賊勢稍却師集金齒分三路進而公與尚書從中路合上江兵夾攻會南風大作縱火四焚矢石俱下如雨公乃擐甲鼓勇而前賊大潰斬首十萬餘級江流盡赤移屯騰衝賊據木籠山為連環七寨又驅象為陣合數十萬人于馬鞍山公悉破之勢如拉朽直搗巢穴蕩無遺氛賊父子僅以身遁凱還詔戶部侍郎王質持羊酒迎犒臨清至則

上親慰勞遣中官賜金幣羊酒于家擇日御奉天門設教坊樂部勞平夷功陞定西侯三代考妣復封如其爵賊父子既遁聞被繫于緬甸八年命公與尚書下緬取賊仍寵賜以行時緬人數報送至而潛以金樓船載賊離五十里而不至尚書謂公曰此給我也過江則絕我歸路且瘴癘將發不垂此而剪之可乎於是誘緬人聽賞公則往焚其舟大戰一晝夜其賊首已先去賊子思機發之在孟牙者亦遁去盡俘其妻孥象馬以還破其寨二百餘處焚夷遂平九年還上復親宴勞加祿二百石賜白金百兩絲段十表裏楮

幣一萬貫金酒器二副鞍馬一疋以寵異之公之子
雄見賊去亟率漢達官軍三十人追殺不及而賊已
阬其後衆寡不
日刎沉于江時年二十四其十
人亦從之死

上嘉其忠勇贈懷遠將軍彭城衛指揮使十二年瓦剌
遣使來朝諜者知脫脫不花及也先侯使回即分兵
入寇

上命公總兵禦之公至境嚴耀威武賊引去召還嘉勞
甚至十四年正月二十一日忽感風疾薨于家距其
生洪武庚申十一月二十九日享年七十訃聞

上震悼罷朝遣禮部尚書胡濙等諭祭前後十四壇及
賜齋糧孝布明器等物追封涇國公謚武勇命工部
營兆域于榆河鄉泥井里先塋之次而以其年七月
六日塋焉既葬越月而瓦剌復寇遂有土木之變使
公在豈遠至是哉其冬以公之孫琬襲爵掌左軍都
督府事成化初佩平羌將軍印充總兵官節制甘涼
諸軍既而守備南京管中軍都督府事忠毅簡亮克
繩祖武而雅好文學達古今事變為時所倚重公葬
後二十五年而隧道之碑未立琬狀公勲績未請予
雖不獲接公然慕公威望久矣而與嗣侯交且久聞

公性淳厚體貌豐偉平居謙退如不能臨陣則奮勇
敢前以一當百故起自徒步建立殊勲追封三代列
爵五等與國咸休也可不載諸聲詩勒諸金石而使
之顯示永久哉公初娶李繼李皆贈封侯夫人子男
五長義患足疾以琬封定西侯後公七年卒次即雄
次謙次讓次諫女五長適杭州前衛指揮使李剛次
適密雲衛指揮使劉容次適後府左都督長子馮泰
次適羽林前衛指揮使李秀次適富峪衛指揮使張
勇孫男五長璟蚤卒次琬曰琰曰瑾曰瑜女五武強
伯楊能會昌侯長子孫璉永庸侯長子徐昌遵化衛

指揮使張輿其婿也銘曰

皇明開天六合重輝繫維蔣公世際龍飛起自淮甸繼
奮燕山義旗所指克濟于艱天位既正屢進其職從
定交南復征迤北蠹彼元孽擾我邦垆公往禦之兩
涼以寧蕞爾麓邦負固連釁公復勦焉南荒以順爰
自左樞超登五爵貂蟬莪莪為時李郭龍章鳳誥三
代同封鐵券金書世永彌崇公之忠勇所向無敵三
邊之靖式詔

帝極茂績方殷公忽長逝

天子與嗟有贈有謚有祭有奠有爵有嗣詒孫有謀以

燕吳子生體充英特執權為公將云既遠風塵然猶
河之鄉泥井之里珠石刻詞以彰未商

翼城侯孫公神道碑銘

楊文敏公榮

世之瓌傑英偉之士遭遇

聖明屢建勲績致有名爵老而復能感激思奮竭忠貫
勇力效勞勤弘濟艱難其光烈著于當時聲華及于
後世者吾於故應城伯孫公見之公諱巖字

家鳳陽之於皇里曾大父 大父 父重四三世皆

務本力穡周貧鄰惠鄉以善人長者稱母周氏有懿

德公生元聖正己卯十一月十有一日幼時有術者

異其狀謂其親曰是兒不凡宜善視之既長性豪爽
膂力絕人輕財好義為族里愛重元季兵興仗劍歸
太祖高皇帝于淮甸在軍中以驍勇聞乙未從渡江克
采石定金陵收兩浙自是南取江廣北定中原咸與
有功擢金吾左衛百戶調守鳳陽已而陞武德將軍
燕山中護衛正千戶洪武庚申從

太宗皇帝之國于燕公誠直不欺甚見親信藩國之事
多委任焉乙亥公引年致政而以子亨代己卯

太宗舉義靖難以公宿將知兵特起守通州是歲南兵
大至城圍數周起土山臨城攻西門燧樓堞公率眾

極力捍禦城賴以完未幾兩軍合戰公操戈身先士卒大呼陷陣士氣爭奮進奔逐北斬馘不可勝紀得饋運船三百餘艘資糧無筭以功陞明威將軍指揮僉事仍鎮通州辛巳兵復至攻城益急公勵將士登城力戰矢石交下敵乃退走論攻陞都指揮僉事壬午春南帥平安督遼東兵十餘萬逼城公語將佐曰彼衆我寡若城守不出自示弱也不若及其始至而擊之彼必敗亡乃率敢死士數百犯其鋒而城上亦合勢大呼安衆大潰自是無復來攻者是歲夏

六月

太宗入正大位以通城屏蔽冀方使六師南進而無北顧之憂者皆公之功於是進封奉天翊衛宣力武臣特進榮祿大夫柱國應城伯歲食祿千石給誥券子孫世繼自曾祖考而下勲號階爵皆如公封曾祖妣而下悉贈夫人永樂戊戌六月二十日以疾卒于正寢享年八十訃聞

太宗悼念不已命有司給棺斂治墳塋累遣官致祭贈翼城侯謚威武歲十月葬通州東馮家村之原配劉氏封夫人先公卒子男六曰亨曰忠曰旺曰喜曰泰曰榮亨由都指揮僉事襲公爵女二長適武德將軍

正千戶徐亨次通驛勇將軍指揮使房斌孫男十五人英傑敬祀貴瑤琳勉斌建禮智綱雲綸英襲父爵早世傑今嗣為應城伯孫女十四人一適太師英國公男忠一適金吾衛指揮桑華餘幼在室曾孫五人公歿塋二十有二年傑奉公之事行謁予告曰傑賴先祖餘休嗣膺封爵顧墓道之碑未立無以昭功烈垂不朽乞不靳而畀以文庶後世子孫知先世成立之難兢慎自持不敢廢墜厥家予昔獲侍

太宗左右備悉公之勲績有可書者今傑又具述公始終之詳謁請益堅宜不容辭乃叙次于右而系之辭

曰

明明

太祖順天應人奮自淮甸汛掃胡塵公於是時仗劍來附從多羣雄克用其武功成位升弗究厥施武德之階養銳蓄威

太宗龍潛天鑑明德內難構興

皇怒斯赫乃張義旗乃舉義師起公于家知公有為言言適城定國屏蔽今公襲之邦域之計維公桓桓振我師于士勇民和戰克守完東兵之來其勢十倍薄而擊之一鼓而潰家師旣舉四方既平

皇朝功績... 大藩行維公之功... 皇之德世其承之有永無疆... 後人刻此銘詩

皇明名臣琬琰錄後卷之十五

昌寧伯壯敏趙公墓志銘勝

尹侍郎直

國朝膺天御宇百二十載內安外攘豐亨熙豫國由
聖明繼作於上而亦文武夾輔於下之所致肆惟英極
果毅之才瓌偉頎碩之資入則纓冠珮玉位保傳儀
百辟出則縮章持節總師旅敵王慄使

朝廷有所恃而安夷狄有所憚而不敢發者蓋世有

其人焉若太保燕太子太傅昌寧伯趙公其一也乃

茲已矣嗚呼惟我公諱勝字克功姓趙氏系出漢光

國之裔世居河朔至伯父赤考再興國初始徙家永

平之邊安遠占

太宗文皇帝靖難與赤以謀畧從征有功授永平衛
百戶沒于戰陣無嗣再興襲陞千戶永樂庚寅壯
大破虜酋本牙失里殺敗阿魯台餘衆陞指揮食
洪熙改元復以征虜功陞指揮使尋卒公襲甫薨
賴母王夫人矢節育教底于成立恒念父遺言我生
為壯士而志弗就爾長須努力報國亢宗母負奇男
子也由是刻志勵行事母極孝敬始終無違禮正統
己巳虜寇犯京畿公率兵出西直門扼其衝突躬履
戰陣斬賊無算虜遂奔遼景泰庚子擢僉都閫名以

發聞

英廟後辟錄公舊勞加僉前車都督府事佩刀侍衛天
順戊寅選管三千營操辛巳秋曹孽叛逆公擒獲屠
多遷都督同知時虜寇深入陝西固原公
卒師往勦敗之

今上嗣統命兼 勇營典操推

恩給誥進 祿大夫襲榮三代成化乙酉重建永

天門公董軍應役既訖工道山西邊徼有警命公佩

平胡將軍印統軍往援次馬 關報虜已遁乃還明

年秋往往延緩河虜酋聞風渡河趨大同納款入貢

師旅即

命典操耀武營戊子夏建州毛憐海西諸夷弗靖廷議請以公總鎮之乃佩征虜前將軍印杖節以征至則申嚴號令簡閱軍士調度有方屢奏克獲

賜勅獎諭辛卯春召回總典五軍營壬辰春調三千營是夏至甲午秋兩奉制勅佩印總師北征虜輒遠却丙申總督軍士濬築京城垣塹蕪苒西直門城樓陞後軍都督府左都督戊戌冬加太子太保祭卯秋勅封昌寧伯歲食祿千鍾丙午冬加太保兼太子太傅丁未春

皇貴妃萬氏薨奉勅董工造墳于天壽山之西南朝夕督視觸冒寒暑遺疾與歸遂不治是歲七月朔也計

聞

當寧惻然嗟悼特賻鈔三萬貫給麻苧白 有差輟視朝一日勅所司為造塋域遣官諭祭者屢追封昌寧侯謚壯敏卹典渥矣公生永樂庚子後正月之臘享年六十有八曾祖寶山祖保洎父俱贈崇祿大夫同知都督府事曾祖妣閔妣王及原配李繼升俱贈夫人先卒墓昌平縣太平鄉之原子男一瑄以舍人選侍春官詔賜冠帶先公一年卒女二長適都指揮白

璽次適定西侯蔣公仲子騏孫男三長鑑恩授冠帶
次鉞次錫女三曾孫女二俱在室鑑卜以卒之秋八
月 日奉公柩啓夫人之封窆馬前事俱公世出
行實請于銘維公早襲勲階犛子乃克篤志奮興開
習武畧涉獵儒書累膺簡命佩符建節東征北伐英
威勇譽聳聞夷狄所至虜輒聞風奔遁靡敢抗迎乃
不窮追遠襲僥功啓釁所謂不戰而屈人之兵厥功
懋焉矧平居總操督工簡教有方卹撫周至士卒感
悅立朝行已慎重無違縉紳推敬朝廷倚重凡奉勅
遣出辭還見輒有白金文綺寶鏹餼醴之錫蟒衣玉

帶歲節恩意尤夥而卒也賻祿葬祭封爵加謚有隆
無殺始終榮哀何其盛哉余與公同朝久知公深去
秋參典邦政兩借公考閱武學官舍諸生相歡竟日
益見公之忠亮端凝信為國之干城而於古之名將
奚忝然則銘於予宜銘曰

皇明奠安泰山盤石曰惟文武篤業勵翼桓桓趙公未
出充國世有聞人儲休委澤身若公考早世兄職從
我文皇勛階累積公自幼孤式克備飭武畧究通雅
貌軒特虜寇薄郊慨然舉楸乃卒虎旅乃肆鷹擊乃
食都關英譽炫赫

先帝錄勞樂登殿陟出則總攝入則侍直

今上倚毗寵恩彌益屢佩印符屢奉制勅東征北伐而向無敵或聞風遁或受俘誠恬不邀功遠不啓陳惠周司徒威誓夷狄

帝曰汝勝久樹勛績予維汝嘉其進封伯公拜禮首曰敢忘德報德維何委身戮力營星俄隕尚勞敦役計聞九重良深痛惜卹典渥優哀崇何極太平之原贊壽松栢寂跡勳銘永貴寔夢昌寧之號於昭千億

戶部尚書陳公神道碑銘 王文肅公撰

成化壬辰夏六月辛卯南京戶部尚書陳公以疾終

于位今制凡兩京文武大臣喪朝廷必遣官諭祭命有司營塋至於勲業位望之烜灼者又益以賻贈之禮凡此皆公所宜有而必得者南京戶部既以公訃聞其叔子鵠遂奉柩去歸其鄉以俟命焉公諱翠字冲霄鳳陽虹縣人其先居朱陳村宗季徙彭城今居虹縣者又徙自國初祖敬先考鑑皆以公貴累贈資政大夫南京戶部尚書祖妣妣皆夫人公幼有異質先考尚書公指以語人曰吾家世農業人知吾所治者稼而不知種德吾兒其稼之獲乎宣德壬子中應天府鄉試正統丙辰會試中進士第授行在戶部

主事歲已巳虜寇犯邊王師北征命往永平等處
芻糧永平圻內郡征輸繁重民無宿備公百方區畫
民不厲而兵饒給還奏稱

旨復出內帑金數萬兩命糴粟遼陽實邊廩竣事陞部
中尋奉璽書督漕江西先是歲賦皆卒伍清曉時朝
廷用武始更以民有司承望風旨嚴程趣辦民殆弗
堪公曰賦無後期足矣矣以亟為乃循行郡邑求得
其富厚者俾具舟分漕且諭之曰此一時權宜爾師
遠當無爾勞衆樂從焉景泰初上崇孝敬錄忠義備
財用清贓罰申舊典體羣臣六事未報聞尚書公計

乞歸三司御史交章留之

上命公卒事公遽已馳歸喪次聞命復往督漕抵京師
而歸服幾終會

上命廷臣舉堪任方岳者食以公對即其家拜山西右
布政使馳傳赴任公問民疾苦為蠲其逋稅至十餘
萬石民素利五臺山水至是有禁公弛之樵蘇自若
鴈門既設兵守禦益戍以民咸釋之使歸農業公既
厚民生謂可以役其力矣始於其暇日築忻州城除
道通平西嶺又感叢其良心俾脩陽曲諸廟學蓋民
不知勞而頌有德者至多不容口

英廟復辟召還拜都察院右副都御史給從二品祿巡撫寧夏時西邊連歲用兵民罷敕甚公拊循之又籍其貧甚者計口給食奏蠲逋租之累里正者寬兩稅抵輸布帛厥貢果實皮革諸物皆乞權罷之其地故有宣聖廟祀禮與中州等項歲儉止行釋菜公曰其費幾何而用以化導邊氓其利博矣俎豆之事吾何敢廢亟復之久之亭來入寇遣將失利虜勢猖獗公檄諸部固城堡繕器械募材武士為土兵叅以官兵守要害既而朝廷命將出師虜始引去西師解嚴公乃上章乞省墓不允然

行部陞左侍郎時初作宮殿營繕務殷專經度提督躬任勞動蚤莫弗解改行在工部侍郎

仁宗皇帝臨御嘉念舊勞陞行部尚書奉命代祀周文武成康陵及秦愍王既還言關中民瘼深見嘉納賜誥命并追贈祖考妣請告焚黃遂立碑于墓以侈

上恩昭先德

宣宗皇帝嗣位改行在工部尚書嘗奉命董採殿材於蜀設施有方撫綏有誠勞者不怨自是朝廷凡有興作重役悉以委之其臨事有條理而體卹下情所行悉公是以人從車集訟辨不與而屢承勞錫焉友直

字居正為人坦爽剛毅雖不與物競而持已正直
不屈於物有恤人之心施濟無倦與人言必歸於忠
厚有之官往辭公者必勉以愛民之政與人交惻然
緩急率得其力度量有容屬司之貪詭者以公長者
數欺慢之公雖知弗校清議以是益重公春秋七十
而卒正統三年 月日也訃聞

上賜祭命工部管繕葬禮部賜祭公卿以下皆往祭之
李氏之先隴西人元李其曾祖山徙保定清苑自是
以來皆隱處不仕而篤於善行祖彥名考人義皆贈
資善大夫北京行部尚書祖妣臧妣杜皆贈夫人先

十七年卒繼劉及王皆勤內助子男三昉暉賜孫男
四曾孫男四諸子將捧匱歸厝清苑先事昉奉吏部
尚書郭公所述事狀請予請文於神道之碑余嘗先
銘其先塋矣然與公同事四朝雅相好相知故不辭
為叙而銘之銘曰遙遙隴西李所自來徙清苑屬元
李曾棟之鄉柳莊里土剛水清毓和粹絲曾大考暨
祖彌積仁累厚襲林杜式生居正用奮起據厥純誠
事藩邸義旅之興殫勞瘁高城浚池固根底聯車連
轡給饒餽左馳右驅效謀智乾坤既正廓氛翳煌煌
天寵峻祿位藩垣超陟冬卿貳冬卿申陟極所至持

身游務履訪處肅肅在公靡怠易執信秉仁履當義
恤窮矜鰥急施濟量度恢豁內昭晰有詭罔之弗校
計恭事

四聖誠一致七十全歸行靡愧必有紀述垂後世故鄉
之墳歸率制疇其銘者太史氏

禮部左侍郎李公墓誌銘嘉

同前

宣德七年十月十五日禮部左侍郎李公卒于家訃

聞

上遣官賜祭師傅六卿而下皆往吊祭卜明年二月

日苑

縣鄉

原其孤粟以治命奉翰林侍讀

苗君衷所述事狀來拜請銘禮部尚書毗陵胡公申
為之言予與李公同事

三聖凡三十年乃按狀叙而銘之李之先居平陽之賸

汾大父諱仲智父諱師魯元季隨兄希賢官游燕都

遂占籍宛平縣而公生焉公諱嘉字允堅天資凝重

不妄言笑自幼卓卓有立志事親孝稍長縣大夫選

邑學弟子員前大學士董公倫時為學教諭公從受

業旦暮自策勵所授書率誦讀數百過四書注釋雖

老不忘已而念家貧親老丐罷歸侍養為師者初惜

其去遂獻詩達意其辭懇切師憫而從之後選奉祠

所禮生事

太宗文皇帝於藩邸敬恭祀事恒致其誠無幾丁父憂
哀毀動人終喪不飲酒食肉覽父手澤未嘗不流涕
而養母愛敬兼盡初世父希賢死於兵無子倉卒葬
塋公念及輒悲竟卜吉壤備禮而塋焉

文皇帝靖內難預效守城勞時南兵逼城城外民有負
母入城無所依者公避舍以處之且食之粟民母子
得全於急義率此內難平錄守城功召至南京有司

奏授鴻臚寺序班數月

上親擢為通政司叅議且面諭之曰以爾誠實故擢實

要地必勤必慎母忝朕命公益盡心乃職一日奏事
畢自陳臣有老母在鄉里無兄弟侍側願躬迎母就
祿養從之既至時初建北京奉命董運木之役於河
南殫其智慮夙夜不懈後喪母哀毀如喪父詔賜棺
及驛舟歸其喪服闋仍前職遂扈從北狩自是巡狩
皆預扈從後坐累左遷鴻臚寺丞

仁廟御極陞左通政使又坐累左遷未行

上嗣大統復通政使改北京行部侍郎念其老不堪繁
務又改禮部侍郎公雖精力日衰猶勉強事事未嘗
少間再歲以疾聞賜勅褒諭命致仕又數月不起享

年七十公持身端謹一本不苟取予剛方嚴教人不
得干以私其任職細務必親故所歷寡合終不為變
治家整肅教子孫必務學而閑暇道說國初以來北
京名賢故老流風餘韻娓娓不窮聽者忘倦蓋自是
能知而言者亦鮮矣其歷任散官自將仕佐郎積至
通議大夫以公貴再追封二代大父父皆至通議大
夫禮部左侍郎大母吳母榮皆淑人追封故妻奉封
繼室趙皆淑人子男四栗直剛簡孫男四震謙承英
銘曰嗚呼李公有孝有守遭逢龍興陟

帝左右剛毅之資自信弗疑顛顛以持莫之或移納言

之司宗伯之貳歷年三十終始一致白髮蒼顏鞠躬

竭誠

三聖在上天鑒孔明奎章龍文奉勅歸第象笏朱衣
閭迓拜從容優游以壽考終綸音及門寵光隆隆嗚
呼李公生死榮哀勒銘其巖永示後來

兵部尚書兼詹事金公墓碑銘忠 同前

永樂十三年四月十五日兵部尚書兼詹事府詹事
金公得疾明日強入朝退疾劇又明日卒公世郵人
自少慷慨闊達負氣義壯遊京師遂遊齊魯趙魏以
達於北京居北京二十年

上初舉義靖內難布衣入見署紀善遂從征伐明年署
長史又明年陞工部侍郎永樂二年陞兵部尚書兼
詹事府詹事公事

上敬慎小心每被顧問知無不言退未嘗泄以是益見
禮遇而委任益篤焉輔導儲君以正直自持言無不
盡尤見優待遇同列論事徑情直發不肯持兩端依
阿而虛已服善沛然而決江河注之海也兵部機務
繁劇公嘗推讓同官之賢能或一事失當則必自辭
咎人有片善必稱之雖有素與公異意者其人有他
善常不稱也里人有數窘辱公公為尚書時其人

補吏來京師懼不為容公薦用之或曰彼不於公有
憾乎曰顧其才可用奈何以私故掩人之長尤好獎
掖善類士有得一官而往見公者必戒之曰國家待
上厚所望為民造福耳所至一以濟物為務聞人出
片言語涉暴刻輒輒然色變可謂公直慈厚者矣襟
懷坦夷神情灑落政務之暇朋徒往來酒一壺棋一
局詠歌談諧相得也事兄世華盡恭撫兄子如子為
交誼朋友率其子無依公為長育之亦有長育之而
為之娶婦者其他賙貧之恤喪葬所濟尤多博於史
學每論官府成敗治亂之故娓娓千數百言不竭其

深委曲由歷歷如身親視之者享年六十有三初
且華尚書憲公侍郎盧公往候之間所欲言公曰命
至此何言獨念忠始以一夫見

上歷數年位列六卿寵極貴盛而未常效分寸之報忠
即死能瞑目哉已而顧其襁中兒謂二公曰忠不能
報

上恩矣士奇必志

上所以寵我者銘我庶幾兒長而或有知也訃聞

上為文祭之有曰殫竭心膂克勤夙夜小心慎密始終
無間

皇太子為文祭之有曰能盡乃心知無不言助益多矣
又曰老成忠厚方資之為輔而遽沒焉嗚呼觀公君
臣之際始終一德生榮死哀何其盛也公諱忠字世
忠祖漢考文英以公貴皆贈資政大夫兵部尚書祖
妣樓氏妣馬氏皆贈夫人娶余氏封夫人子男一達
公沒特達生始六月明年二月兄子復初奉公柩歸
塋鄞之鄉原士奇素辱公知義不可辭故叙而
銘之銘曰神龍御天雲翕從之千載之會時惟昌期
金氏之先宅於東浙世篤善仁蓄德未發如種必獲
追公奮興明良相逢助自北京奉天靖難公侍帷幄

實恭慎密昇以心腹邦國載寧榮秩顯命爰貳冬官
遂掌邦政遂輔儲君宮臣之首公德多有公存孔厚
古之君臣有終不常偉公之終隆隆寵光難名如天
維

帝之恩公沒惓惓庶其後人鄞原之墳湖山鬱盤歸焉
斯藏永永其安

新建伯榮僖李公墓志銘

玉

楊文定公溥

公李姓諱玉孟輝字也先世居真定之曲陽至孝士
中徙河間交河今為交河人高祖誠曾祖德榮志田
園不求聞達祖雄元上都萬戶士中有孝行樂賑施

榮以鄉舉累官蜀府左長史母周氏公以甲戌進士
為御史僅兩朞而罹二凶之禍再起為御史歲餘遂
副憲于浙杭州衛指揮陳鼎父子肆凶惡海寧民管
箠沈琦工詆誣皆莫敢敦何公悉寘之法屬府造上
供紙歲若干萬工估價每張銀一兩公計量纖悉減
十之九歲省銀若干萬兩民德之其巡海道以軍官
多戍卒嚴禁之立五日一操點之法以邊餉太糶
而卒空為革勢乘攬糧之弊奏增一通判專理以武
臣多不學無識為正學延師教其子弟凡城隍墩堠
屏署烟墩兵甲皆以次繕葺之無遺餘力及定海之

城北海塘將西走馬堤竊衝所之裏外海塘徒進
所之海塘海鹽縣之大海塘皆修築之以奠邑居以
興民利而海鹽塘踰二千三百丈工尤鉅禦患尤大
非公莫能為也在杭州以按察司卑隘逼塞迺撤舊
宇改創數百楹穹鉅偉麗闢其前衢廓然四達以西
湖舊深廣能溉諸邑田至十六萬頃今湮過半奏請
浚深之如舊防於湧金門北開水門放湖流入城河
出清湖間抵海寧黃灣以溉十六萬頃田復於畏吾
寺前後建三橋以通水門俾小舟常入湖取淤泥以
濬深可久不堙功雖未就慮則深遠矣公巡海數歲

波恬風息成化丁酉春忽報倭船數百犯邊公時在
杭察案驚問公徐曰彼果來犯吾將盡誅之乃出巡
至寧波府衛已戒嚴守令呼民壯披甲林立矣公謂
曰海上甲兵自足內地不須虞安用民壯今農事方
殷亟散之至定海數日迺知倭僅兩船入貢耳於是
皆服公之智量其為按察司以憲度久弛力振之嚴
門禁察吏奸斷訟明敏無留獄禁官署毋桑蚕以爭
民利諸婦女毋入寺觀以隳風俗甫半載而病病察
案往問尚與論築海塘之法浚西湖之利無片言及
私成化戊戌歲七月朔日卒年纔五十有四耳公疏矣

有志者事竟成而才足勝之視天下事無不可為者然賦命未承而止此無不惜之公要計哉封禪人生三男長源縣學生次淮次澗側生一男滄家少小以某年某月日葬某山原以余與公有雅持憲副朝君榮狀請銘余讀狀至天順間二凶事為之慟哭流涕不能已豈獨為公悲也哉嗚呼正統之末社稷非景帝莫可保而一時竭忠殫勞者皆可謂社稷臣也二凶于是時亦受恩不貲富貴極矣而勞蔑如逮景泰承誠可謂惠懷無親者矣天下非

災廟其誰歸而二凶者貪天之功并髦

景帝魚肉其社稷之臣殆盡此余所謂慟哭流涕而不能已也嗚呼二凶是舉豈直要功以固位而已哉蓋以圖改玉之兆也於是勢焰炙天孰敢一睚眦之而公露章顯斥瀕死而不易辭可謂忠謹之臣矣曾不數年而二凶者身刑家戮遺臭無疆而公乃高陟令終流譽千載豈直薰蕕之辨而已哉嗚呼使二凶不自作孽則國家無蒙而富貴延及于來胤未已公非以忠謹著則須有他表見豈能若今之燁焯後世決不可泯哉是亦足為萬世人臣之至戒至勸矣余備國史既嘗書之然春秋之法辭之重言之復必有大

美惡焉故因源請重書之併及其勲業之著者其他
文與行皆畧之銘曰人與萬物生天地中惟厥性貴
不與物同父子之仁君臣之義是惟綱常九不可離
有或離之以肆厥欲宜兩其翅宜四其足策名委質
以服事人有死無二是名曰臣烈烈揚公事我明辟
豸冠繡衣寔有言責視彼跋扈害國殃民忍不能默
飛章奏陳彼日鷓張志將改玉凶焰炙天莫或敢觸
公草白簡以率其僚歷數彼惡願肆諸朝天威之嚴
國典之極濱死不渝厥心惟赤為國之故以忘其身
是曰忠謹庶幾誠臣瀕死而生入幽而顯

帝心孔昭天道不遠公有巨才亦有嘉行有學有文有
繁厥誅我皆畧之不書于石獨揚一忠以勵百辟華
嵩可夷滄渤可湮惟忠謹臣億載不泯

皇明名臣琬琰錄卷之十六

鎮遠侯夏國武毅顧公神道碑銘成

楊文貞公士奇

永樂十二年五月二十五日鎮遠侯顧公薨於貴州
計聞

上震悼遣官賜祭遣封夏國公賜諡武毅贈贈如制命

有司治喪葬遂命其嫡孫興祺襲封與祖奉極歸葬

于揚州之人原顧氏之先居湖澤公之曾大考百四

姚泉氏天考十二姓朱氏始家汝都考萬一姓周氏

公諱成字景韶天性仁厚自少能矜恤饒寒貧五歲

通鑑橫邊加合者必推厚使長廉亦已矣夫考實
於求以是孫必與吾門公實獲魁偉涉知書遠人義
而奮力絕人善善事志精勇無窮命中危未嘗避難
都有強寇千懸切其舟同載者皆驚愕公獨奮出關
寇皆披靡走既歸張士誠起泰州借王元公知其無
能為乙未歲我

太祖高皇帝渡大江明年公未歸附至鎮江皆號勇士
十一人轉鬪入城莫敢嬰其鋒者既敵益衆而後絕
悉為城中人所繫十人者皆被殺公奮躍起繫絕蹠
持刃者仆之脫走歸語衆曰鎮江城中之皆庸大可取

也遂導衆攻其城克之授百戶從攻常州宣州皆克
之簡克旅正還從克江陰從寧河王克通州陞千戶
攻雙刀趙於樅陽攻安慶江州池州與國諸山寨皆
下之庚子敗陳友諒兵於龍江公得其戰艦及馬特
賜白金友諒退仍據安慶江州公隨大將軍悉復之
并得其八陣營諸寨從克南昌援安豐敗元兵進攻
廬州從克武昌荊州衛州從開平王下襄陽還取秦
州留守與化從中山王破舊館克湖州蘇州洪武元
年陞堅城衛指揮食奉二年領軍克信陽唐光四年
從臨江侯取西蜀道遇敵公手殺敵百餘人生擒二

齊魯人進攻羅江生擒其偽元帥及其下二十七人
悉遣軍門斬以徇入漢州偽官戴丞相向知院者
與迎戰公揮衆奮進戴向皆棄械還走追北至城
圍其城竟降之蜀平調成都後衛總帥以公守之六
年率兵赴重慶擒妖賊王玄保及偽萬戶李邦祖等
八年調貴州衛明年薨傍等山寨蠻寇叛公率兵討
之斬首百餘級俘獲人馬尤衆夷懾服叩首請歲納
租賦公從之其僻遠山峒有負固未下者次第平之
已而羣夷叛服不常公連歲出兵平之前後俘戮不
可勝計十四年從潁川侯征雲南率步騎兵為前鋒
首克普定留公守之且為後繼公部將士樹柵以守
明年公出兵克西堡於是諸蠻合數萬攻圍普定諸
將皆欲出戰公持不可曰賊衆我寡一出即為賊所
窺必俟其攀柵乃出賊及柵公披甲上馬出北門率
戰士奮進手殺賊騎之迎戰者十數人賊衆引却諸
將遂乘勝出東門西門戰敗賊衆時南門之圍未解
公取所生擒者十八人斬之而縱其一人歸曰吾以
夜二鼓及殺爾矣及期賊聞官軍舉銅角鉦鉦皆
懼奔走圍悉解獲賊甲兵無算時有中使在普定見
公勇略絕羣遂奏稱遣賜龍衣金帶陞世襲指揮使

凡普定所隸諸蠻公悉平之十七年平阿黑蠻
十餘寨及降尾灑蠻酋馬乃之衆西堡蠻構貳後平
之廿一年總戎樞公討平率西扒古里谷勞金爛
寨遂擒關索嶺首賊葛達及叛寇阿東皆誅之王官
阿宗叛焚劫驛舍乘虛將攻公勢張甚時官軍精銳
悉駐東川公率餘衆及士兵深入賊地據關口屢敗
之賊既遁衆以暑瘴非士卒便欲退師公不聽未幾
賊黨救阿宗降遂奏革普定府而黜其守之懷二心
者建兵衛以屬其民析其地爲州三長官司六而公
統理焉自是公悉意撫綏大布恩信諸夷嚮服廿五
年夏入朝賜文幣二十有副鈔三千貫白金四百
兩日錫宴會同館陞鎮國將軍貴州都指揮使司同
知公至貴州首征康佐叛蠻破阿老諸寨峒廿七年
平都勻豐寧西梁瓦材等寇斬首萬四千餘紂俘生
口三千八百有奇而撫其良善二十九年陞驃騎將
軍右軍都督府僉事官其長子統普定衛指揮使是
歲命公佩征南將軍印總兵征水西叛寇生擒首
敬德斬之餘寇悉降三十年五開蠻反公卒兵
剖大峒悉破之進勦天柱天堂春花金井蒲頭大小
坪等生苗及螃蟬米毫灣溪萬湖等寇皆破之三十

一年普定西堡及貢州光金谷勞里金石者羨唐諸夷復叛公次第親行誅其叛首而撫甚善衆既歸明年

高廟上賓及明年

太宗文皇帝靖難之師起北方公受命往禦至真定靖難之師公以獻

文皇識公先朝舊人解其繫與之語曰豈非

皇考之靈以汝授我乎因語以不得已興師之故言已

泣下公亦泣遂遣人護送北京令輔

仁宗皇帝居守時姚廣孝奉命輔居守有腹心之寄姚

素不習兵事與公議多不合會南兵圍城

仁皇於軍旅調度恒從公言城中文武之臣競進曰顧城南將其中莫測不可專任然公所言計皆合機用皆有效數命公出將兵固辭曰使臣侍左右日陪論議得效分寸足矣賜公甲冑力劔弓矢皆不受南兵數圍城卒以敗去者多用公謀也洪武三十年九月論公功賜號奉天翊運推誠宣力武臣特進榮祿大夫柱國後軍都督府右都督封鎮遠侯食祿千五百石子孫世襲賜鈔三千貫白金一百兩絲幣三十四副遂賜諸券是冬命公鎮守貴州蓋以公威信素行

於被永樂元年春至貴蠻夷聞公至歡趨出拜叛者皆歸境內靖寧公上書論大計謂國家宜早建儲以正名分北邊官軍有功者爵賞既定宜制以禮法降勅褒答賜鈔五千貫絲幣八加副中賜鈔萬貫白金二百兩絲幣如前三年賜誥追封三代考皆鎮遠侯妣皆侯夫人永寧土官宣撫為其弟謀殺致其下亂公執其弟送京師罪之而從土俗奏以宣撫妻襲職其衆遂靖六年車駕將巡狩北京豫召公副儲君監國既至

上慰勞再四且諭所以召公之意公言

皇太子仁厚恭勤明達足任付託且左右文武之臣其智識深長皆非愚臣所及蠻夷雖今帖服小有競爭即特兵為亂愚臣非敢決意去留惟陛下命之

上忖知公意嗟嘆累日賜鈔四萬貫白金二百兩絲幣三十有六副命還貴州陸辭退辭文華殿曰殿下於事君父恤兵民素行有誠惟於小人當寘度外為事有天理不足計蓋是時懷奪嫡志者不樂公在京師公燭知故先幾引去也時土官奏欲為公建生祠從之公之赴召也播州貴州蠻作亂公歸遣子勇率兵勦之悉平時思州臺羅等蠻亦亂公遣人諭其酋普

亮即服於是公病革聞達嘗馳視亮不起春秋八十有五公自少壯屢行陣挺身戰鬪奮勇無前雖身被十數創不稍引却必致停賊見功效深於籌略料敵制變百不爽一於謀國事明大體不瑣屑細故竭誠奉公至老死不倦諸葛公所云鞠躬盡瘁斃而後已者公蓋有焉朝廷既追封公弁追封三代考皆夏國公妣皆夏國公夫人元配彭氏再追封夏國夫人繼室穆氏李氏子男七長統先公卒洪熙中以其子貴追封鎮遠侯次銑次銓次銳次勇累官貴州都指揮僉事次亮次源孫男九與祖襲封鎮遠侯效用三朝克繩祖母凱再與惠旺興能貴州衛指揮同知先卒琮琦玳曾孫男六玄孫男一至是興祖具事狀屬士琦書神道之石士奇永樂洪熙中官翰林日侍二聖實聞公事故不辭敬次第書之而係以銘曰

大明奉天肇迹淮土公奮從龍來歸

皇祖金戈鐵馬桓桓四征鏖暴鋤疆疇之敢嬰函夏既

寧報功錫命崇爵豐祿往綏南境遯彼南境毒虺妖

狐憑阻弗馴跳躑嘯時公奉天威寔驅電掃夷藪室

穴屢征乃安乃登晉府乃衛禁垣居無幾何適北其

韓天其祐公俾作

聖輔惟聖知公曰時舊老明明

二聖任公心腹著聲歷代公休愈確公不有人公康有道秉誠執恭謀猷屢告卒底厥功為報益隆金貂玉
肇亞于上公

帝謂爾成予懷南徼汝往申撫公拜奉詔夷獠迓公父母歸止焦者以需仆者以起孰其悖兇敢干刑誅小者擒俘大者戮屠公身在外心存廷陛匪函有陳皆國大計當守聖明嘉公忠言寵賚華褒誕自天降國有老成謂宜百歲曷不憇遺營星奄墜雄蓋萬夫智名勇功公福簡簡哀榮始終慶澤之貽綿緜來嗣篤

念先祖祇于世世

陽武侯鄞國忠武薛公神道碑銘 同前

宣德五年五月太保陽武侯薛公奉命城隆慶永寧赤城獨石竣事將歸以疾聞

上遣中官以御醫往視且賜勅諭勞至京猶力疾入見上慰諭再三既歸集賜御藥遣中官臨問無幾竟不起七月廿三日也訃聞

上震悼為文祭之遣新寧國公賜諡忠武詔有司治喪葬凡喪葬之儀皆優等且特恩云公諱祿姓薛火世家山東膠州之新興社會祖考諱安妣劉祖考諱天

姚金才等連年寇掠公凡與六人合兵六人合兵
有大志未冠者或任上官守奇之從北征金山及
喇哈之地又從德進都山乃兒不花等處有是屢
西北二邊涉萬里而還

太宗皇帝舉兵靖內難公首從義旗攻九門克薊州連
化援密雲攻群縣追敵漢州咸奮勇先驅以一當百
戰真定公生擒敵左副將軍駙馬都尉李堅超陞燕
山右護衛指揮僉事賜白金文綺從援永平攻下大
寧富峪會州寬河時南兵已圍北平城公還先遇其
哨騎薄戰敗之車駕繼至從戰郎村塢敵大敗陞指

揮同知從克廣昌蔚州大同率兵前哨獲敵人馬遂
從南征大戰白溝河追奔至濟南陞指揮使從克滄
州大戰東昌公以五十騎前哨遇敵兵數百與戰數
之獲馬三十餘疋敵悉聚來追公復奮戰大敗之獲
馬二百餘疋敵於威縣及深州伏兵以要旋師皆擊
走之從戰夾河大捷戰滹沱河右軍力屈公率衆馳
赴之出入敵陣數十合戰敵敗走公追至夾河斬敵
無算獲馬五百餘匹明日戰早家橋公馬驟為敵兵
所得拔刀斬敵兵後上馬督戰遂敗敵將平安軍以
次攻下順德大名彰德及攻西水寨公生擒敵將

揮一人斬獲老幼從次東阿東平汝上皆下在
泚河大店小河汴隄靈壁率勇先諸軍遠渡淮漢
從車駕入京師

太宗皇帝為臣民推戴既正大位論功行賞陞驃騎將軍後軍都督府都督僉事以其官秩贈三代永樂六年陞都督同知八年從車駕北征至玄冥河以功進榮祿大夫右軍都督府右軍都督兼左軍都督府事以其官秩加贈三代時四方選至幼軍數萬悉命隸公操習十二年從車駕北征十五年初建北京宮殿命公董營繕十八年成加奉天靖難推誠宣力武臣特進榮祿大夫柱國封陽武侯食祿千五百石追封其三代皆侯爵賜誥券二十一年從車駕北征是年

八月

仁宗皇帝嗣大位加公太子太保子孫世襲侯爵奉命北巡邊適虜寇雲公率兵追至大松嶺斬獲甚眾事聞賜勅嘉獎遣中官及鴻臚卿即軍中勞之既還賜白金鈔幣加歲祿五百石洪熙元年佩鎮朔大將軍印率師巡北邊宣德元年燕人高煦反車駕親征命公為前鋒先二日圍其城罪人既得留公撫綏城中軍民還賜銀幣甚厚明年秋從車駕巡邊出會州

后虜寇塞下與戰賊之生擒其首斬獲甚衆
薊州永平冬還賜銀幣加厚四年率師護兵餉開平
者再五年春佩鎮朔大將軍印巡邊至奇黃廣遠虜
拒戰悉斬之盡收其家口孳畜陞太保賜鈔幣居三
月董築城之役蓋從公之言以便戍守公平居無事
未嘗忘危每計邊務言之壘壘或謂其屑屑者終不
為變蓋其志奉國惟恐不盡為將勇智兼備常先事
籌畫用心之至以夜繼日故所嚮成功未嘗敗北間
一二臨陣中矢石裹創赴鬪有進無退其率師所過
紀律嚴明秋毫無犯而撫卹士卒人人歸心若董獲
作規置有方力不煩費功率堅久人亦罕及蓋一代
之興必有一代之臣公祇事

三聖涉歷多用志篤鞠躬盡瘁以效臣職故能建功
家流米簡冊致身貴富垂慶後昆其非古名將之流
而今之不可多見者歟公壽七十有三其配李累封
至侯夫人子男三以是年十月三日塋公于 鄉

原銘曰明聖之興有命自天必有輔翼名世之賢
氣機翕會雲龍風虎有勲有烈左文右武桓桓薛公
始奮從義大呼迅馳金戈鐵騎智明幾先勇蓋萬夫
疇其膺之折朽摧枯宗社載安功書冊府在

帝左右股肱心膂公於事

上一誠不貳知竭臣職死且無怠公於馭衆有紀有綱

撫如春和令如秋霜歷事

三聖麟衣蟬冠廷有老成國有屏翰丹書鐵券傳襲來

裔公如長城曷不百歲英靈升遊九原在此太史作

銘式昭無已

永康侯蔡國忠烈徐公神道碑銘忠 同前

公諱忠字仲達姓徐氏世家廬州之合肥父諱用元

季守宣城我

太祖皇帝兵至宣率衆歸附命仍其職遂從征討以功

實授管軍百六十年南呂進表畧將軍河南衛副千

戶洪武壬戌自陳若漢命公代之丁卯從征北齊至

哈喇哈之地還城大軍無備請大軍備禦戊辰從征

金山之虜之為邊患者屢戰敗之獲其馬牛輜重賜

白金鈔幣庚午遷兵饒數十萬斛赴瀋陽

鬼不花大賊虜衆俘獲其人口萬餘總兵遣公護

入關公悉心撫卹俾者如歸陸濟陽備世業指

事心交城懷安萬全丙子率兵從征

而還下五桂嶺平巴

太宗皇帝

天定... 河... 德破... 及江... 兼先... 地裂... 歸心... 上行... 望有... 德... 指揮... 同知... 歷都... 指揮... 僉事... 授奉... 天靖... 難推... 誠宣... 力武... 臣特... 進榮... 祿大... 夫柱... 國前... 軍都... 督府... 左都... 督永... 康侯... 食祿... 千一... 百石... 子孫... 世襲... 賜誥... 券追... 封曾... 祖六... 二祖... 七九... 及考... 曾永... 康侯... 曹祖... 妣陶... 祖妣... 王妣... 張皆... 永康... 佻夫... 人永... 樂已... 丑暨... 癸巳... 車駕... 巡狩... 北京

仁宗皇帝監國
上以公敦厚老成留之南京兵政一以任公公小心寅
畏清靜簡易上下咸宜之一日風興盥櫛衣冠坐都
督府得風疾遽卒癸巳八月二十四日也
上在北京聞訃震悼輟視朝一日遣官賜祭給賻命有

仁宗皇帝監國
上以公敦厚老成留之南京兵政一以任公公小心寅
畏清靜簡易上下咸宜之一日風興盥櫛衣冠坐都
督府得風疾遽卒癸巳八月二十四日也
上在北京聞訃震悼輟視朝一日遣官賜祭給賻命有

司治長登進封秦國公議

其三代皆

國公妣皆秦國夫人配亦秦國夫人

仁宗皇帝在東宮遣祭賚賜甚厚公沉毅質恪有孝行
旦暮出入必先詣家廟事繼母敬愛無至小有訓責
必跪受雖貴不變所得

上賜必謹視之約已守法未嘗有過接人謙恭和氣滿
容語簡而誠洞見底裏春秋五十有二而卒卒之歲
十一月二十七日葬江寧縣安德鄉長岡之原子男
二安山壽安襲侯爵安奉國子祭酒貝公泰所述事
狀求文刻神道之碑士奇與公同朝十有餘年後同

侍監國相厚知公之行加詳故為序而銘之銘曰桓

桓徐公為時虎臣襲家之勲奮武以振天啓

聖明義旗爰舉挺誠來從股肱之輔

皇麾所指公迅前驅誰抗誰禦拉朽析枯神武不敵公
行聖志來迓來歸撫綏勤至仁施如春義行如秋公
實左右威懷並流龍虎既安氛翳咸廓宗社再隆褒
功命爵悃悃無譁厚重靡遷貂蟬克庭孰愈公賢譽
與此狩聖儲監國時武以術孰優公德肅肅小心溫
恭靖嘉謫焉老成為國之華維孝維忠在公允蹈宜
貴宜富曷不耆耄都門之南聿崇起墳過者下車眎

蘇烈文

平江侯恭襄陳公神道碑銘 同前

太宗皇帝初自北藩靖內難至江上都督陳公瑄具兵
迎濟內難平

上正大統錄功賜公奉天翊衛推誠宣力武臣特進榮
祿大夫柱國封平江伯賜誥券陳氏家合肥公字彥
純自少穎敏不凡好善惡惡內篤孝行洪武中侍父
官成都習兵畧精射以武臣子選侍大將嘗從出
郊遙望孤鴈雜鷺群命衆從者射不中最後命公發
一矢斃之有鷓鴣翔于上命公射應弦而墜自是屢試

皆奇中衆大服而公不自為能朝廷命總兵者作蜀
府宮城遣將伐材於山所行失律且材不中度又所
經瘴地土多死總戎察公可用遂命之公善撫綏明
號令別取善道七百里以入先期而還士不病所得
材皆適用總戎者嘉之又命董繕作具有條理遂從
征南番岩州中亭及散毛鎮南咸建勞績代父職為
成都右衛指揮同知父坐舊累謫戍遼陽公伏闕奏
請代行特詔父子並免復職衛卒數輩讐詖狙詐挾
制上下為衆患公次第悉去之善類以安從征越雋
討建昌酋長月魯帖木兒踰梁山弓天星寨破寧峯

請營駐西河口諭降夷人數千從德帥德帥平
三山寨及小伯夷進攻卜木尾寨據要害立堡以斷
賊路官軍分三敵進公居中已而左右兩隊弗支奔
還公所統僅百餘人冒險先登賊數千圍公公下馬
率衆且斂且斫賊疲稍却公亦傷足累創進戰自己
至酉賊敗走公全所統而還復從征餘寇賈哈刺時
寇衆數萬據險以拒官軍分三道公軍後進由番西
涉打中河得間道乃出奇兵作浮梁渡河既渡撤梁
以固士志遂壓寇境寇憑險迎敵一日十三戰奪其
險明日復力戰凡七合寇大敗遂入其壘簡銳卒出
哨令望見前軍旌旗即舉砲俾知己敗寇仍遣五百
軍斷寇走路寇窮出降械送賈哈刺于京師撫邊夷
兼理茶馬之政邊人悅戴灌口都江堰壞民苦水患
公脩其隄防躬督工作為堅久計矜卹無告出貲置
義田二百畝於成都積所入租凡貧不能衣食不能
婚嫁及死不能斂塋者皆給之會雲南兵征百夷以
功陞四川行都司都指揮同知遂進右軍都督府都
督僉事

太宗皇帝知公才可任時北京軍儲不充命公歲董運
百萬石道海給之公措置井井勑建百萬倉於直沽

尹兒灣城天津衛籍兵萬人戍守公善任使均勞遠
秋毫無取於下凡漕途姦弊掃蕩一清漕舟所經海
島夷人畏憚官軍悉閉匿公下令俾出為牢而遣官
監臨平其直軍無敢譁人兩便之舟選值倭寇劫沙
門島公率衆追至朝鮮境上焚寇舟殆盡寇以殺溺
死者甚衆奉命率舟師於閩海備倭寇者三海溢壩
沒隄岸起揚之海門歷通泰北至盐城凡八百里奉
命以四十萬卒脩之航海至者茫洋莫如所停泊往
往膠淺公於太倉相可泊處以二十萬卒築高丘二
十丈延亘十里為表識衆便之稱寶山事聞

上親製文樹碑焉既建北京罷海漕浚濟寧臨清河
南北往來仍屬公董餉運公建議造淺艦二千艘初
歲運二百萬石為之有方後增至五百萬石國用
足若疏清江浦引水由管家湖入鴨陳口達淮以充
淮河風濤之患就管家湖築隄亘十里以便引舟浚
儀真瓜洲二堤湖港之堙鑿呂梁徐州二洪石以平
水淤築沛縣刁陽湖濟寧南望湖隄開泰州白塔河
通大江築高郵湖隄隄內鑿渠亘四十里以通舟車
北造梁以便陸行自淮至臨清相水勢高下建磨四
十有七以時啓閉皆舟楫通行水遠之利於淮實

常盈倉五十區以貯江南輸稅於徐州臨清運使
建倉以便轉輸慮漕舟昧河深淺自淮底通州順河
置倉五百六十八所倉置卒俾導舟可行廢緣河陳
蓋井樹木以懷夏月行者凡於事慮之周而為之果
仁宗皇帝初臨御下詔求言公首言七事大槩謂南京
國之根本宜為久遠鞏固之計選將益兵以嚴守備
長民長兵皆宜擇賢能然後政舉而下不失所賢能
在推舉推舉在覈實乞選朝臣之公正者分巡天下
考察百司政事得失進廉能黜貪鄙則官得人而治
可興今府州縣學教官多不得人乞令風憲考察

黜別選今中外軍伍多缺蓋由所管頭目私役撥
不能致其逃逸乞勅都府兵部都司嚴切禁約就
清理老疾者令戶丁代逃逸者責限追捕戶絕者
實除豁伍籍又邊防之要在兵食足近歲如開平等處
城不足兵兵不足食所守何由完固乞選武臣之有
方畧者授以精兵足其衣食給之堅利器械俾日教
習如有沃壤令兼務耕守今漕運惟江西湖廣浙江
及蘇松諸郡去北京甚遠清河又有洪腫淺凍之阻
往復踰年楮費數倍正振上通公租下妨農務乞自
今令運於近便淮安徐州等處收貯別令官軍運至

北京則民力可蘇農務不妨各處官軍每歲漕運
財力殫乏到家又備理壞船運米載糧勞動可憫其
所管頭力又加別役以重困之乞行禁約今後漕運
軍士不得再有別役馬船快船惟二三百料者可行
於漕河所載不過五六十石每船已有額設水夫今
又於綠河拘集軍民聽候甚至接連聽候日久衣食
艱難有至行丐者乞自今罷之

上覽奏嘉嘆命有司咸即施行賜勅獎諭有老成忠實
之誠之褒加之重賚賜誥追封其曾祖某祖某考某
皆平江伯曾祖母祖母妻皆夫人命子孫世襲

宣宗皇帝臨御命公鎮守淮安兼督漕運公至察宿弊
之為民厲者悉革之豪猾奸宄皆歛避境內以寧時
已嬰疾而躬勤旦暮靡有滯事疾間入朝深被嘉勞
賜宴賚還至淮安無幾復作

上聞特勅勞問時子儀在侍衛令挾醫馳驛往侍竟薨

宣德癸丑十月十一日也春秋六十有九訃聞

上悼嘆輟視朝一日追封平江侯謚恭襄賜祭命工部

營葬公為人閎爽英毅弘度偉畧稠人廣會談論

亶倫輩推服公餘披閱載籍考知往古成敗治亂之

故喜近逢掖士時相講議善交際能推利為義所至

以濟人為心多所建置人用德之不忘家有集
恒舉鄒孟氏仁義忠信樂善不倦之語以勉子孫
男五佐襲平江伯後公數歲卒次儼次儀今為
次倫次侃孫男三●今襲平江伯墓以堯之明年三
月墓在江寧縣大山之原余與公同朝三十餘年相
知且好於是儀以狀求著神道之碑故按狀叙而錄
之銘曰繫公挺出何桓桓武兼勇智追前聞材藝風
試卓寡倫裁冠三品承考勲蠻谿獠峒獫獨羣
弗獲釋且趨公奮掃剽迅拔塵漸滌腥穢寧邊民
截譽望齊戎岷歛徵來東衛宸垣遺承興運效駿
錄勞疏封昭鴻恩貂蟬鞶玉衣繡麟報賜志企古
臣單心畢慮靡夕旰滄漠茫洋渺涯沂歲漕萬艘
然臻有梗子海威赫震斬鯨戮鯀焚甲鱗崇表海
亘長雲雲章龍彩天垂文南賦北貢艱以辛踰淮歷
濟底天津疏湮鑿堅劬且勤坦行如砥戚者忻猗嗟
公篤孝與仁厥施諸時績弗泯愛國亦有嘉謨陳功
載冊府被後昆大江之陽歸有墳太史銘之昭不刊

皇明名臣琬琰錄卷之十七

西寧侯宋公神道碑銘

勅太貞公士奇

永樂五年七月某日推誠輔運宣忠效力武臣柱國
侯軍都督府左都督西寧侯宋公終于肅州訃聞
天子悼數遣官賜祭勅有司給傳還其喪明年夏至京
師蓋葬管門外其考之塋之次公諱展洪武中所賜
名其字景瑞宋世家鳳陽之定遠元季我
太祖皇帝龍興至辰公隨父朝用兄國興來歸明年徙
居濠州又徙臨濠父兄並歿公年十九
張天祐克五河濠州討帖又並遷濠州

上克和州渡江下未有大平德澤等皆歸之
與寨知以圍寨等伏誅從克深降遷至南臺國
漢年公兼元職內中從攻陳也先本寨克之逃往
南臺公之隨廣德元帥丁酉隨廣德公克宣州還改
廣德公天軍真元帥以老留建康公從鄧愈克徽州
受功賞戊戌召入侍衛己亥襲天軍真元帥庚子調
征饒州及江西諸郡以次平賜襲衣文綺命克總兵
官平諸山寨洪武元年克建軍隨留守樂新之官制
實授武德將軍遷軍衛正十戶四年陞懷遠將軍建
寧都指揮使司都指揮同知召還陞江西都指揮
使九年調大同授龍虎將軍十一年調陝西所至治
兵撫民不嚴而肅十二年掌涼州衛十三年逐北虜
至白城獲其人馬甚衆十五年父病詔公還侍又三
年父沒既襄事復鎮涼州虜時數為邊患公率兵討
之追至亦集乃之地斬之兇渠也速兒監等及其衆
無算餘悉生繫送京師又招降虜偽國公吳把都等
萬八千人而送其酋長上不答而等百五十人詣京
師簡其壯者隸卒伍餘悉處之善地俾耕牧自便驛
召公還京美諭再四賜資甚厚復鎮涼州十九年召
還陞驍騎將軍右軍都督府都督食事賜鈔文綺以

其官贈其三代仍鎮涼州廿三年夏遣中使就賜金及鈔至秋後三遣賜鈔大綺被制諭克總兵官征哈密里破之哈密者去肅州千餘里虜所城也誅其偽王子別列法等三十餘人獲虜衆千三百人及金印一銀印二悉送京師所獲馬牛羊成給將士二十年復克總兵官征罕東西番叛寇誅禽七千五百餘人獲馬二千五百牛羊十萬遂還京師二十七年調中軍都督府是歲虜寇遼東命克副總兵率兵討之遇戰腦溫江獲虜衆千餘馬倍之明年廣西忻隰諸寨連結為亂命克右副總兵往征之誅禽七千餘人賊平還京又明年總羽林八衛兵往平五開龍里十三洞之寇三十一年率師城萬全諸衛歸二年出鎮甘肅

太宗皇帝初臨御公朝京師陞後軍都督府左都督永樂元年授平羌將軍克總兵官仍鎮甘肅三年虜日益聚近邊公遣人諭以朝廷德意其酋長把總帖木兒倫篤兒灰率部衆五千馬駝萬六千來歸邊境底寧事聞勅賜獎諭命都督徐膺緒尚書趙珩持節即軍中封西寧侯賜推誠輔運宣忠效力武臣柱國仍後軍都督府左都督食祿千一百石加賜田若干頃

又二年以疾終享年
公曾祖贈官
贈夫人祖及考皆再贈官祖妣朱妣陳皆再贈夫人公之配丁氏許氏皆封西寧侯夫人子男瑄府軍右衛指揮使琥駙馬都尉尚安成公主瑛駙馬都尉尚咸寧公主永樂中琥襲西寧侯

仁宗皇帝嗣位琥坐事改命瑛襲西寧侯孫男

傑金吾左衛指揮使偉羽林左衛指揮同知俊天策衛指揮僉事儼旗手衛正千戶佐龍驤衛正千戶嗚呼公勲著國家貴顯咸里慶澤被于後嗣名聲設于無窮固本於際遇聖明千載之幸會亦必其忠義之行闕遠之材克勤始終有以迓承之矣既述其事於碑又系之銘曰天建

皇明龍興淮土魁智傑能如雲從附定遠密比猶漢沛豐父兄偕來有偉宋公義旗所嚮仗劍先驅神武不殺迎降懽呼長江飛渡金陵定鼎分命股肱出綬四境于宣于歆于于聞公從總戎聲威日振旣寧既靖公留莫之進莫藩垣大江之西雲中在左分陝在右公來鎮撫煌煌旌荼虜窺西陸公往遏之斬繫其渠招懷其餘繁胡遠陽雜華如燦滅枯如鐵推

朽馬跡西歷幾周四返桓桓之志無康于家

文皇御臨親任舊老自西來朝蒼顏白首

天子曰嘻卿宜在廷紓予西顧就乎愈卿公曰臣職及
臣未衰西人忻忻近公復來鞠躬盡瘁遑敢息寧邊
人恃公竝然長城宣

上德恩洽于遐外羣倪畢歸如川赴海

天子曰嘻維時茂勲崇爵豐祿予慰乃勤維公遭際實
多父兄偉績賢稱晚而益闕存沒榮哀歸從先兆來
世莫京繇公所肇墓道有石其崇九尺太史述銘永
耀無極

涇國襄敏陳公神道碑銘

金文靖公 幼孜

公諱亨字

姓陳氏鳳陽壽州人而奇偉有大

志元季為揚州萬戶時

太祖高皇帝龍飛濠梁歲丁酉遂仗策叩軍門上謁
高皇帝奇之選為鐵甲長從大將常公征泰州破張士
誠軍獲乘馬而還戊戌冬從車駕攻婺州拔其月城
陷陣先登有銀器金幣之賜由是以驍勇聞遂定浙
東諸郡洎征安慶太平高郵皆效勞績壬寅春天兵
攻陳友諒於鄱陽公以功擢鐵甲百戶癸卯再舉師
次湖口公言於主帥曰陳氏兵多土人熟於水道今

於秋溯水而威中契津確或為河誘則我若履冰
可以運莫若募其土人潛遣小舟察其淺深險易
勢而進斯可濟也主帥用其言以聞如其計遂大敗
陳友諒兵甲辰實授天策衛管軍百戶隨大將定江
北諸郡縣吳元年以平浙西取蘇州功陞崑山衛千
戶階武德將軍繼從丞相徐公北定中原取東昌公
副指揮常某守之值元兵數萬猝至城下衆蒼黃失
措公曰敵衆甚銳利速戰難與爭鋒當以計破之於
是堅壁不與戰越二日公先以兵數百誘之敵見人
寡悉力來攻公與常率大軍奮擊且出奇兵邀之敵

遂敗追奔至崇邑僵尸載路獲人馬輜重無算公亦
身被十數創已而徐公復還公攻元都克之追元兵
出塞而還遂從定幽燕諸城未下者洪武己酉調守
大同攻王保保魏伯章俱有功己又征和林應州天
城白登甲寅破詹童軍生禽偽官劉平章乙卯擢燕
山左衛指揮僉事是後屢征迤北遼陽破滅營帳綏
輯降附威聲遠著戊辰冬以公守禦邊陲久效勞績
特陞驃騎將軍北平行都司指揮使追封其二代公
感

上知邊益以邊務為任功烈之茂一時遣將守其地

歲庚寅陞後軍都督公事仍掌行都司事
太宗文皇帝舉兵清內難至大寧得公召見軍門賜坐
親酌卮酒勞之問以安社稷計公奏對稱旨乃曰天
以卿授吾其遂成吾志於是命公為五軍總兵官南
進至鄭村埧首與敵遇即摧敗之從攻廣昌蔚州大
同諸郡無不克捷庚辰夏四月戰白溝河下濟南茂
建奇策敵聞公名不戰自退勅書褒諭陞都督同知
未幾公嬰疾在營

文皇憂念不置晝遣中使絡繹往問夜則就營察視安
否醫藥飲食皆出

上賜疾篤命還北京

文皇尋亦旋師親幸其第臨問者二公獨以用賢厚賞
為勸

文皇嘉納之遂以其年十月七日卒于正寢訃聞悼傷
不勝遣官諭疾者七喪葬之費悉出內帑以年

月 日葬北京宛平縣 鄉之原

文皇既登大寶錄序前勞定議贈公奉天靖難推誠宣
力武臣特進榮祿大夫右柱國追封涇國公謚秉敏
公之曾大父諱為大父諱福父諱泰皆贈涇國公曾
祖妣 氏祖妣張氏母秦氏妻韓氏皆贈涇國夫人

公享年六十有九子男二人忠府軍備推官
今後軍都督麻輝守鳳陽次懋今太保軍功侯
佩征西將軍印總兵鎮守寧夏孫男 人紀烈孫衛
指揮使昭為勲衛餘皆幼曾孫男 人狀稱公為將
四十年未嘗殺一無辜妄取一財色他將或多以殺
戮為功橫取子女玉帛公輒語之曰好生惡死人人
所同奚忍害彼之命為已功耶父子夫婦人倫至重
又奚忍獨人之父嫁人之夫而奄有其妻子耶於是
聞公言而化者甚衆嗚呼若公者其教古良將肯多
讓哉宜其歷事

二聖生鄴高爵沒受大封澤沈後胤益顯而盛則天
報施於公者可謂厚矣太保公以公之神道未有刻
詞乃以公事行命其子勲衛昭未請銘遂為之銘曰
烈烈陳公虎臣之傑昔事

太祖佐興皇業從征四方如霆如雷無敵不破無堅不
摧洎任邊閫勞動益至綏輯降附宣昭德意威馳沙
漠風塵肅清勲在盟府忠著朝廷繼事

太宗內難是靖宣力效謀屢戰屢勝大功垂成公奏
支公進諫言忠誠不棄來來與悼遠失名將九原
錫賞天所相也

公初顯于野處流復明錫命德壽惟公存子惟德
子惟國有臣為國棟梁本公之仁公仁何以不妻
戮不事俘虜不寶金玉斯實公仁格彼穹昊昭茲
類以大厥開教教皇俾用務勲德與
國始終永世無疆

寧陽侯濟國武靖陳公神道碑銘

李文達公賢

永樂初靖難功臣不下數十人然克享祿位於德天
者鮮矣惟太深寧陽侯陳公歷事五朝出藩入衛
六十餘年而德令終嗚呼盛哉公諱懋字舜卿
壽州人高祖萬曾祖福三祖大一俱追封涇國公
皆涇國夫人父亨從

太祖高皇帝定天下以功陞都指揮使洪武三十二年
從

太宗文皇帝靖內難復以功進都督同知卒贈奉天靖
難推誠宣力武臣特進榮祿大夫柱國追封涇國公
謚襄敏母韓氏涇國夫人襄敏公三子長懋嗣為都
督同知次忠府軍前衛指揮使季即公也器宇宏遠
識見超卓尤負膽氣工騎射年弱冠即從父領兵為
前行先塲上廣昌蔚州大同白溝濟南之戰與父同

功又擢敵于單橋秦城西寨東平固鎮小河戰也
累陞右都督永樂初論功行賞進封奉天翊衛宣
武臣特進榮祿大夫柱國寧陽伯食祿一千石子孫
世襲賜誥券賚予甚厚六年受詔佩征西將軍印
總兵鎮守寧夏賜寶鉞白粲牛羊以為戒嚴之費公
至鎮號令一新凡胡人降附者親撫綏之務德其歡
心乃已七年選精兵自將大敗虜于境外由是殘孽
遠遁邊塵為之一清捷聞加封奉天靖難推誠宣力
武臣特進榮祿大夫柱國寧陽侯食祿一千三百石
子孫世襲後賜誥券及貂蟬冠服錦綺寶鉞八年春

上親征北虜公將左掖兵十一年冬還鎮十二年春
上復親征公仍將左軍俘馘甚衆明年還鎮十四年夏
有報虜酋馬哈木死者公未之信曰是欲懈我邊備
也即申飭諸將固守已而虜衆果來見有備而還二
十年春

上復北征公率所部兵以從還京賜玉帶金綺龍衣且
聞公有女賢淑禮聘入宮冊封麗妃尋命歸寧父
賚予駢蕃當世無與為比二十一年詔公統陝西軍
夏甘肅三鎮兵出勦叛虜公率衆直抵賀蘭山擒其
渠穴盡收其酋長也先土干部落及其駝馬牛羊數

萬凱還

上大悅寵賚有加二十二年復隨

上北征師還以公為殿至京遂領前軍都督府事

仁宗皇帝登極以公勛戚有勞加太保復官其長子暉
為勲衛

宣宗皇帝臨御待公尤厚樂安州之平公領京營兵衛

士有功還有金帛人口之賜二年復鎮寧夏三年春

奏徙靈州城以便防守四年春得玄白二兔以進

上賜璽書獎諭兼有玉帶龍衣馬圖之賚六年還京十
年命佩平卷將軍印移鎮甘肅正統改元今

上皇帝嗣位念公勛戚之舊召還奉朝請十三年冬福

建民鄧茂七作亂偽稱閩王勢甚猖獗

上曰此賊非老将不能平特命公率師往討之至浙江

有欲分兵先守海口者公曰如此是絕其生路則為

死寇矣不從明年春師次建寧有欲屠沙尤二縣者

公曰如此則益堅寇心矣乃下令諭之俾各復業解

斬賊首者官賞與王師同於是降者日衆公曰賊勢

已孤無能為也迺五路進兵一鼓而收之凱還賞勞

加等命領中軍都督府事尋兼領宗人府事景泰中

加太子太師天順改元

皇帝復位恩遇益隆固辭官師許之六年春忽得疾踰
秋不能起上言臣老死不足恨惟

陛下以生民為念任賢用能以圖太平之治則國家幸
甚

上覽之惻然曰看卿所奏足見忠誠宜尚家調治以副
朕懷久之醫藥弗效遂薨時天順癸未七月十六日
也距生洪武乙未二月初九日享年八十有五計聞
上震悼輟視朝一日追封濟國公謚曰武靖遣官諭祭
加賻及營葬事東宮及諸王亦各致祭公偉觀脩髯
語音洪亮胸懷磊落敬禮文士雖位極人臣未嘗妄

自尊大而南征北伐口不言功當為中興名將稱首
配嚴氏封寧陽侯夫人子男六人長即昭次福寧次
晟次潤次瑛次昂以是歲■月■日與嚴夫人合葬
于都城西香山之原銘曰壽有陳宗父子傑特涇公
濟公後先開國

文皇靖難孰多勛勞涇公輔之首秉節旄奮武桓桓所
向披靡大事垂成星殞于壘濟公承之以篤世忠鼓
勇前馳涇公是同驍馬揮戈到處喋血乃伯乃侯成
此茂烈金符虎節屢鎮邊陲于征于狩無遠不隨聞
寇動勦東南震恐濟公征之遂輯其衆馳驅勦成歷

事五朝龍衣玉帶佩帶之履者敬既純允顯大德
與承平宿將有幾煌煌應周賁此令終生死哀榮孰
如濟公西山嵯峨佳城在側史臣勒銘千載輝赫
漳國忠毅鄭公神道碑銘序

楊文敏公榮

宣德甲寅二月乙丑奉天靖難推誠宣力武臣特進
榮祿大夫柱國中軍都督府左都督武安侯鄭公榮
于大同計聞

上嗟悼輟視朝二日遣官致祭賜棺及時命有司營葬
追封漳國公謚忠毅年 月 日歸葬北京之西

山葵里其子能既襲侯爵遂具公平生之樂來求神
道碑銘予嘗叨總史職不獲有辭乃為序次之曰公
諱亨世家廬州合肥按鄭氏譜世居歙之跳石元末
徙居合肥今忠毅公祖墓俱在跳石歲時遣人上塚
不絕曾祖父五乙祖父大已父用以公賚俱追封武
安侯曾祖母劉氏祖母張氏母英氏俱追封夫人昔
我

太祖高皇帝龍興淮甸公之先君子自和州率先應募
積軍功授平陽右衛百戶陞大興衛副千戶歲癸亥
公始襲父職公天資剛毅純篤壬申出使漠北

難河撫輯馳報還以勞陞密雲衛指揮僉事乙未
太宗文皇帝舉兵靖難命公攻薊州時都指揮馬宣城
守不下公百計破克之遂生禽宣歸旋攻雄縣討真
定俱大克捷陞指揮使及遼東軍圍永平

上親率諸將援之公賈勇奮進敵遂披靡旋師收大寧
陞北平都指揮僉事未幾戰鄭村埧克紫荆關復廣
昌所向無前明年庚辰取蔚州大同大戰白溝河乘
勝遂北直抵濟南陞都指揮同知滄州之役公軍北
門北門芻糧所聚兩軍必爭之地公力戰破之又明
年辛巳敗順德軍於深州夾河決戰勦戮尤盛築城

西水寨連戰俱捷遂耀兵廣平略地彰德所至皆下
是冬陞中軍都督僉事歲壬午從

上南嚮歷取諸縣及東平汶上等堡對敵小河鏖鋒靈
壁擣泗州取鎮淮渡江克金川門內難既平

上正大統策勲頒爵封公武安侯階勲如前白金文綺
襲衣前後賜賚不可勝計永樂癸巳夏奉命出關巡
視山川險易撫輯軍士時關外軍衛統攝無紀遇有
邊警猝難制敵公因奏調大同前衛帶管東勝等衛
措置得宜自是各衛皆從所隸以聽調用尋奉勅領
士卒築長安嶺城規畫有方人不知勞未逾月而城

成歲庚寅以來

上屢親征北虜公扈從每著勞績

仁宗皇帝嗣位念公舊德特命佩征西前將軍印充總
兵官鎮守大同嚴斥鞅固屯守胡騎遠遁不敢窺邊
居常以清介自將服食之奉泊如也用是下人毋擾
邊境輯寧

宣宗皇帝倚任尤重屢降璽書褒異之公生元至正丙
申至是享年七十有九配夫人張氏子男三人長即
能次熙次嘉女二人孫男一人孫女一人於戲自古
帝王之興必有才雄智勇之臣為之左右以戡靖大
難垂不刊之功故其子孫世世有爵邑與國咸休永
無窮之聞焉若公遭遇

太宗竭誠效力奮不顧身崎嶇戰陣以佐助翊戴
宗社迨扈從北征鎮安邊陲其奇能偉績輝映後光
者何其盛哉是宜勒銘豐碑昭示後世焉銘曰於皇
太宗有臣忠毅克殫心膂助順舉義崎嶇戰陣奮不顧
身祇奉神謀用成大勳

皇帝曰吁有臣如是惟天所生

皇考所遺從征漢北屢效驅馳出鎮邊陲虜不敢窺長
安之嶺其城萬堵營之築之士不知告成福遐

事四朝功成不有位高不驕天不憖遺殞傷元者時
論興嗟聖情悲悼聖情悲悼慨念元功式昭褒典賜
謚追封婺里之原西山之麓鬱鬱松楸佳城是卜紀
行有史銘功有詞後百千祀視此豐碑

武進伯朱公神道碑銘

榮

羅都御史

亨信

洪熙元年乙巳秋七月三十日征虜前將軍總兵官
武進伯朱公以疾卒于遼東之鎮所訃聞

皇帝為之悲悼輟朝廷臣皆編素越明日詔禮部遣官
諭祭賻贈其家定議追贈公奉天靖難推誠宣力武
臣特進榮祿大夫柱國武進侯謚忠靖九月喪柩至

京十月九日賜地葬于宛平縣京西鄉盧溝橋西之
原既求翰林學士曾祭誌其墳迄今二十有一年矣
其冢嗣今大同總戎襲封武進伯見大懼公之豐功
盛烈弗白于世又慮乎後人或怠於進脩則無以報
聖恩而緇祖武也於是泣持叅謀戶部右侍郎沈君仲
威所具事狀謂予撰其神道之碑予以衰陋出巡塞
北辱愛於總戎甚厚義不容辭按狀公諱榮字仲華
姓朱氏世為宛之沂州大家元季獲據田廬蕩盡承
平奉二親未嘗懈容養不失其性剛毅體
貌豐偉少負奇氣年未二十膂力絕人初同父婚為

未信葉氏家書問曰男子非士則農商以自
為托迹于人而不思所以振厲公曰人亦奮發有時
大丈夫又安知他日不為都督乎聞者甚壯其志無
何朝廷下令四方舉年少傑特之士以備任使郡以
公應詔而起擢為府軍衛驃騎舍人實洪武九年丙
辰也武藝日脩常備宿衛尋授卒長領騎五十人時
滇南諸夷初附詔梁未輯歲辛酉命大將西平侯帥
師往平之公從征大理金齒百夷建昌烏撒烏蒙諸
郡壬戌復征積有勞效授世襲百戶戊辰征金山一
逆河哈喇哈之地明年己巳陞大寧前衛左所副千
戶創業城池撫綏士卒己卯秋會

太宗文皇帝舉兵靖內難十月駕臨大寧公審知天命
已有所歸遂率所部詣軍門謁見大破賞賚即陞本
衛指揮僉事扈蹕還至鄭村埧遇敵大戰又奪九門
進都指揮僉事繼取廣昌庚辰攻蔚州大同戰白溝
濟南皆勝陞都指揮同知又克滄州東昌辛巳夾河
藁城兩大戰皆捷進都指揮使壬午克東平汶上肥
河敵皆披靡既而收兵復戰公率精騎伏險大破之
後攻小河靈璧泗州渡淮克盱眙下揚州招撫鎮江
兼宣慰使入皆捷者夏六月渡江入京

上蒙聖德大赦次元論功行賞授公左軍都督府都督
會事奉貳元條奉新政化永樂四年交趾黎季犛肆
為不靜毒痛生靈

上命征夷將軍英國公帥師往討其罪公翼贊元戎大
建勲績六年渠魁既俘超陞右都督明年餘孽負固
構亂公復征遂平西東兩都列其地為郡邑置守令
撫循其民設三司以鎮焉師還受賞八年春北鄙殘
虜屢剽我邊人為弗寧

上親率六師以勦之公隨征至玄冥河追逐虜酋本雅
失理至紅山口靜虜鎮胡寇阿虜追逆戰公鼓勇取
勝寇亡命奔遁遷左都督十二年復征於和林蒼厓
峽衝入賊陳大破雅刺之衆師還是年冬命往大同
鎮守督操軍馬守禦邊疆人聞風遠遁西北以寧
十五年召還十六年命鎮遼東嚴斥堠謹烽火東徼
晏然二十年復征北虜公由東路兩與寇遇奮勇破
敵俘獲人馬牛羊而還二十一年七月進封奉天朝
衛宣力武臣特進榮祿大夫柱國武進伯食祿一千
二百石子孫世世承襲頒賜誥命鐵券褒封三代奉
遇日隆屢掌府事政通人和中外交譽之二十二年
復征北虜回還仍鎮遼東洪熙元年

仁宗昭皇帝嗣位簡任老成分州遠鎮謂公博覽多士
將才是年春遣使持征虜前將軍印綬授公充總兵
官鎮禦其地思惟付畀之重整戎伍撫士卒期整肅
衷以母負委任詎意夏六月忽疽發背馳奏京師遣
醫往治弗效竟卒凡將校士卒莫不悲泣如喪所親
距所生己亥六月九日享年六十有七公之曾大父
成大父得父原賜初皆封武進伯追封武進侯曾祖
母葉氏祖母濟氏母施氏俱已卒配楊氏初皆封武
進伯夫人追封武進侯夫人子男六長即冕襲封武
進伯正統四年命佩征西前將軍印充總兵官鎮守

大同文武兼資慈祥豈弟綽有父風娶陳氏封武進
伯夫人次徽次杲次昇次昌次昱孫男十五琦瓚瑛
璉璋璘琛璵璠冕之子瑾瑄瑛琬徽之子理昇之子
璽昌之子嗚呼予聞公之為人謙退而能容有功而
不伐運籌決勝之方素所講習每同大將東征西討
摧鋒破敵惟殲其所當誅未嘗妄戮一人恭承閫外
之寄思以遠圖不僥倖以成功微詭而取名孜孜以
安輯為務所至兵民無不仰戴由其宅心平恕智識
高明才力超邁所施靡不成適其宜視之古人信不
多讓矣豈非治世之勳臣中興之名將歟是用紀其

本末勒諸貞石以垂無窮焉為以銘曰

聖人御極簡拔豪英公起猷猷卓犖崢嶸俾長卒徒殲厥南服大建奇勳乃有世祿廓清沙塞武備濟膺出守雄藩是曰大寧屠維單闕內難斯作

皇秉天戈奸回戩削遂登九五肆攬乾綱四方萬國莫不來王公功最多官登都府贊貳戎樞闡揚威武服肱心膂為國干城雄才遠畧中外咸稱南越既平朔方亦定伯爵進封榮膺顯命丹書鐵券簪紱煌煌崇德報功恩數異常鸞詔再頒光昭祖禰胙土分茅山河帶礪屢承闕寄寵眷益隆荷德感恩誓竭其忠一

疾弗瘳溘爾云逝當宁曰噫元勳已矣追惟碩艾錫謚加封襲其冢嫡復總兵戎賜葬京畿西山之麓封築孔堅巍巍夏屋穹碑載樹勒此銘章永利後人百世不忘

明名臣琬琰錄卷之十八

少師工部尚書追封荏平伯榮襄吳公神道碑銘

楊文貞公士奇

公諱中字司正姓吳氏世家山東之武城業儒曾祖淵祖興仕元為任丘令考成皆以公貴累贈榮祿大夫正治上卿少保工部尚書曾祖妣 祖妣 妣皆贈夫人公洪武戊寅自國子生授營州後屯衛經歷陞大寧都司經歷

太宗皇帝義旗所舉師至大寧公以衆出迎公體白潔

豐偉應對明暢

上一見拔於羣衆中賜襲衣命守會士力田南

兵攻城率衆卻之移守薊州捍禦撫綏具有方略賜衣服器物以嘉獎之遂命署北平布政司理問陞本司經歷給饗運贄城守並效勞績陞大理寺丞是歲旱蝗公言此由刑濫所致皆臣等之過乞法司務寬平無幾陞少卿以發奸慝陞都察院右都御史將營北京宮殿改工部尚書奉命取材於蜀還又命董餉運北京賜帛六百疋車駕北征公扈從兼督餉運既還丁外艱歸起復仍命董宮殿營繕公言營繕吉事臣喪服未除非所當預改刑部尚書後以言事

忤旨逮繫

仁宗皇帝嗣位充見信任陞少保仍兼尚書賜寶帶金織衣已而坐累解少保公事

三聖皆見信任凡車駕行幸不以遐邇皆在扈從三陵之建皆公董役竣事皆有銀幣之賜

皇上嗣位以公舊老復少保重建奉天華蓋護身三殿乾清坤寧二宮命公董之蚤暮勞動致疾功成公雖在告嘉念厥勞陞少師賜白金文綺加繡麟衣無美疾竟不起正統壬戌六月丙辰云訃聞輟視朝一日遣禮部尚書胡濙賜祭遣封在平伯賜諡榮壽有

司治英官其子賢世襲錦衣衛百戶公為人務學
奕勤於奉公其掌刑憲寬厚平恕恒躬視獄中命除
穢惡疎桎梏時食飲戒飭吏卒以時寬恤迨遷冬官
職務填委規措經回條理井井心之默識雖久不
襟度有容雖忤不校或屈已伸謝愛護僚屬恒
疵其佐在南京者嘗賦造海艘材於江西浙江
加數十時論謹謹公聞駭愕遂奏罷賦悉給於公
屬官有器能者率獎進之先事蓄材以應時需隨用
皆足未嘗缺乏自正統末京師多大營建悉出公家
有司不知百姓不聞此本

皇上之仁亦公預贊畫焉明於燭奸嘗四鼓入朝道遇
負鈔數十萬緡者公曰非寇而何命從者悉繫以奏
詰之迺造鈔匠盜寶鈔提舉司鈔遂置于法遊道有
見必上聞不以出位為嫌歷事

四聖皆承厚遇所得賜賚時鮮與擬宣德中嘗賜銀章
其文曰和敏詳達蓋以貺公之行云所得書詩圖書
尤多自念久病奏乞停祿不允家居事親孝敬常迎
就養京師備極崇奉親沒致御祭之榮永樂中命大
臣之子入侍蓋太孫公推於其弟雖貴侍烟成鄉黨
相與款洽如布衣時屬第幽置不問職與不職與人

慶無間疎戚享年七十有一妻良鄉縣 鄉之原醜
劉氏封夫人子男七余與公同朝交四十年至是賢
奉少保江陵楊公所誌墓文求書墓道之碑遂益以
余所知者序之而為之銘銘曰奕奕吳公興自成均
發軔伊始感會風雲焚武之服從師于邁摠勤効讓
夙夜靡懈乃進棘寺乃陟禘臺隆隆寵光亨熾弘門
正法以施秉公持平遇災引咎帝嘉乃誠遂掌邦禁
詰茲刑暴惟欽惟恤恭

帝之詔再入冬官如古司空居民時利飭材考工鞠躬
致誠歷事四聖陟降左右式恒厥敬廷多其績時偉
其望巖巖師保六官之上曷不憇遺而遽長歸七十
高齡于古已稀壽富考終亦既寧只史氏有銘詒厥
來嗣

兵部尚書張公墓誌銘本

揚文貞公士奇

公諱本字致中姓張氏山東東阿人曾祖欽祖誠考
從善洪武中公自國子生擢揚州府江都知縣陞揚
州知府遂陞江西布政司左叅政召為工部左侍郎
坐累謫交趾還為刑部右侍郎陞南京兵部尚書兼
都察院事召為行在兵部尚書兼太子賓客兼戶部

事公少勤學治毛氏詩為人直諫通敏有節義初在江都法其縣有法豪猾斂庸雖上官素名悍暴者不得下擾江都之民安之

太宗皇帝義兵及境衛府皆已歸附公猶率民治守具母夫人曰此天命也可違天以禍人乎遂率民耆老詣軍門朝內難平陞知府進叅政賜白金文綺是時江西唐琮在都司劉辰在布政司周觀政在按察司使三人皆負勁氣不相下琮觀政尤縱私無忌憚連軍民者即各持說務已勝不復揆理有積滯數月不決者公至斷斷持正且溫辭和氣以導之久而三

人者皆惟公言之聽吏弊素甚公每事躬理吏無奸聲譽頓起遠郡邑民事當貳佐躬臨視者衆或行輒自請行所過民多德之為工部職務叢脞旦在公悉心殫慮寢有條理在刑部奉命督北京河運至濟寧而病朝廷聞之遣中官挾醫馳視并賜藥及貂裘竣事還益持敬慎議獄必究情疑者處之率厚數發奸擿伏奇中而紀綱秩秩

仁宗皇帝初嗣大位重南京根本重地曰張本特立不阿首進公南京兵部尚書兼都察院事明年被召入見言國家大計遂留行在兵部毅然以革弊舉廢為

務

皇上嗣位知公忠直可任所言多見聽納高與及車駕親征罪人既得命公撫輯其衆而錄其餘黨兵政久弊姦人以貨脫伍籍而援平民實伍者遠邇一轍公言於

上擇廷臣四出清理悉用釐正於釐正他弊尤多賜勅獎諭命兼太子賓客賜白金文綺鞍馬遂命兼戶部事戶部政紀尤弛公夙夜不解講求其故蠲其積弊舉其墜典凡上利國家下利民生者靡不盡心事日益就緒宣德六年正月六日得疾又明日訃聞

上深悼惜遣禮部尚書胡濙賜祭遣中官賜賻鈔三萬緡勅工部營喪葬戶部復其家比葬復遣官賜祭卿大夫士之賢者皆走吊致奠祭又相與嘆曰一世都高位享厚祿而能任國事如家事如張公者幾人天胡奪張公之速哉公廉介有守其心未嘗斯頃不在國事剛果嫉惡於治奸宄鮮所寬假而禮賢教儒尤厚春秋六十有五而卒卒之日家無餘貲亦可以觀其平素矣以公貴祖若考皆贈資善大夫兵部尚書祖妣李妣丘皆贈夫人配王封夫人子男二璘璩孫男三承祖繼宗如意保公葬以卒之歲 月 日

墓在東阿先塋之次璘等以右通政徐琦所狀事符
來請銘余與公兩京交好殆三十年又悉其江西之
政蓋琦知公不若余之深也銘曰崇秩重祿偉公與
卿魏冠褒衣蟬聯在庭孰如張公經國如家夙夜弗
遑勞思孔多何以益上何以益下曰予時職其敢違
暇綽綽成績在公多有倚注方隆公止下壽蕪清之
操公正之施賢人之喪善人之思

少師忠定蹇公墓誌銘義

同前

宣德十年正月十有五日少師吏部尚書蹇公薨於
位先四日以疾聞

上遣太監范弘醫來視賜鈔萬緡明日范太監以衆醫
偕來又明日疾革范復來問所欲言對曰

陛下初嗣大寶義獨寡祐不能效分寸裨益然區區大
馬之誠所望於聖明者惟敬守洪武成憲始終不渝
耳言已而絕訃聞

上深悼歎屬時國有大事悉停諸祀特賜鈔萬緡勅工
部治喪塋贈公特進光祿大夫太師謚忠定遣官
賜祭而官其長子英英等奉柩歸塋有日求子為
銘予與公同朝三十有五年而事

仁宗皇帝自登儲至大位始終皆陪公公國家老成人

所以啓益士奇蓋多不敢辭寒賤世家重慶之臨邛
宋以來多顯任自公高曾而下始隱居不出曾祖繼
祖妣牟祖均壽妣雍考遠考妣相繼羅以公貴贈曾
祖祖考皆榮祿大夫少師吏部尚書曾祖妣祖妣妣
皆夫人公諱義字直之生而岐嶷長端重不好弄而
嗜學弗懈始從里師中書左丞殷哲時為郡守一見
異之引充郡學弟子責語其師曰是兒將來遠到非
吾所及當成就之而公不煩程督日益有進洪武甲
子中四川鄉試明年中禮部會試廷試賜同進士出
身擢中書舍人授徵仕郎見重

太祖高皇帝每前奏事率稱旨而數見獎賚初名琛一
日奏事畢問汝蹇叔之後乎親灑宸翰書義字賜之
以易舊名時丁羅夫人憂賜道里費且命馳驛歸蓋
特恩云服闋仍舊職滿三載吏部奏當調特命終九
載朝夕左右凡機密文字必以付公而小心敬慎久
而愈篤建文中陞吏部侍郎授嘉議大夫
太宗文皇帝入正大統轉左侍郎數月陞吏部尚書授
資善大夫時政令制度有非洪武之舊者詔悉復之
公從容為

上言損益貴適時宜間舉故事陳說本末

文皇帝以公忠實悉從其言小人有譖公不忠者賴

上聖明不聽有除官不得善地訴公不公者

上皆斥之永樂二年冊

仁宗皇帝為皇太子命公為詹事時師傳皆以勲臣兼之而輔導責任文臣詹事蓋元僚也

上欲有諭皇太子率諭詹事往導意公亦委曲周悉

皇太子尤愛重公所言靡不信用滿三載陞資政大夫七年車駕巡守北京命

皇太子監國中外庶務惟諸王及遠夷有奏請詣行在餘悉啓聞處分公熟於典故達於政體孜孜無倦不勤聲色而事賴以濟賜誥以其官秩封贈二伐滿九載賜勅有秉心正直及淳良萬實裨益國家之褒數奉命兼禮部事雖職務填委慶之裕如十七年丁父喪歸

上及皇太子皆遣官賜祭皇太子贈賻尤厚有詔起復公詣北京謝

上慰勞再三賜鈔千緡遣中官護送歸南京明年使皇太子朝北京遂命公巡撫直隸應天等府州問兵民休戚及文武吏之賢否而考黜之公謂國家多事之

附悉以法繩吏人將不勝辨出甚大害者其人亦先
見寬貸而兵民是弊當速革者具奏行之

仁宗皇帝初嗣仁一切政議預者三四人而公居首進
少保兼吏部尚書二俸俱支賜官服象笏及玉帶二
遂進少傅又進少師賜師傳之臣銀章各一其文曰
純愆糾繆公首被賜

上諭之曰朕有過舉卿即具疏用此封識進來蓋望公
等匡直也繼賜詩授榮祿大夫封贈三代及妻於公
數人詰詞

上特增曰勿謂崇高而難入勿以有所從違而或怠所
以望公等切也又念公侍從監國舊勞特製寒忠服
賜賜勅有以善朝者必悉思二十餘年身除一舉
之褒時脩

太宗皇帝嘗錄命公監脩且賜白金以旌其忠
宣宗皇帝嗣位一切政議屬公數人如

仁考之初繼奉監脩忠厚實心蓋以東宮太子
仁宗皇帝嘗錄書成賜金帛甚厚繼奉監脩人高
照遷遷者尤厚後從從遷遷公年老不欲煩以
有司之命賜賜白金以旌其忠

祖宗皇帝嘗錄書成賜金帛甚厚繼奉監脩人高
照遷遷者尤厚後從從遷遷公年老不欲煩以
有司之命賜賜白金以旌其忠

沈師漢老... 不煩庶政乃副倚毗可報史
部... 其專精... 賜銀章... 文明門... 諭仍賜... 公得疾... 贊贊和... 無所拂... 包含必... 日顛蹟... 約

上前所言未嘗邀以語人蓋天下有陰被其利者矣士
奇嘗竊論... 人害物... 忠文之不設城府公益無有之矣元配劉氏繼張氏
皆封夫人子男四長英次... 月... 浩乎

皇明廉天奮躍自下在帝左右秉公典試掌

帝之制播告四方進貳天官遂職冢宰簡因俊良往與

至理

帝命游隆俾輔聖儲陳厥謀護聖周弗俞四紀在庭三

翼升御肅肅師臣秉王之度一念惟仁永矢不渝寅

畏小心保終猶初陰利遠人人則周覺惟

帝昭明褒詔有數嗚呼忠定維國老成曷不熬遺翼我

聖明生榮死哀死且不朽昭德刊辭永告爾後

戶部尚書郭公墓志銘 敦

同前

宣德六年四月十一日資政大夫行在戶部尚書崇

邑郭公卒訃聞

上悼嘆賜祭命有司給舟歸喪且營墓事公諱敦字仲

厚姓郭氏其先自太原交城徙東昌崇邑祖諱忠妣

石氏考諱政寬妣侯氏繼馬氏郭世有善德公自幼

凝重端謹稍長游鄉校日勤講習已卓卓出倫輩洪

武癸酉以詩經中山東鄉試會試下第後擢戶部廣

西清吏司主事歲餘有賢聲陞衛州知府下車咨民

隱獨弊興利脩學政務教化崇儒術禮賢行以表勵

其民振郵無告郡俗愈克不能盡者矣死沈之公相

城東得廢地百餘畝種以桑所全民貧死者悉葬是
又為約教民有急相資助民耕種之害歲旱公齋沐
致禱雨立降雪足蝗入境為災公自為文撤城隍神
是夕大雨雷雹蝗盡死凡附禱輒應城西有淫祠歲
四月軍民男女聚謁祭祠下譁諱若狂公禁止之已
而得風眩疾吏民爭勸罷禁弗聽疾亦瘳同僚有私
取民財者公雖不面斥而義形於色其人頓首謝改
過待之如初屬邑吏爭濯磨自效公退所謀諸心發
諸言未嘗不在民事所秉正直襟宇坦明言出而民
信令出而民從不俟程督庶務畢舉舍內蠶箔嘗有
叢絲類織成罽帶脩廣適度郡人謂公仁政之應在
衢七年政化大行坐累徵詣京師耆老數百人伏闕
奏乞留理官執不可耆老皆涕泣而退後廷臣有言
公廉正不阿者召為監察御史陞河南布政司左叅
政無幾調陝西以公務留京師今禮部尚書胡公言
其行於

太宗皇帝曰郭敦有大臣體宜在左右即日召見以病
不克入遂遣御醫視疾疾愈入謝獎勞再三賜鈔襲
衣明日陞禮部右侍郎兼太僕寺卿

仁宗皇帝臨御遣官戶部左侍郎兼詹事府少詹事賜

誥以其官贈禮者考而贈其祖妣妣皆淑人宣德二年陞戶部尚書命鎮陝西歲餘召還在戶部無敢一豪干以私者未幾得疾

上聞之命太醫往視數日竟不起春秋六十有二為人純實溫雅事親愛敬兼至隆寒盛暑不解閨門之內儀度清肅聲色未嘗留耳目公暇手不釋卷私居無惰容居官剛正人莫能奪所至整飭綱紀盡誠撫恤不徐不亟吏畏民懷永葉之操無遜古人雖列官六卿泊然布素身沒之日家無餘貲豈非篤行君子者乎子男五人祺禎禧禔祐孫男女皆六於是諸孤奉衛府長史金寔所狀事行介禮部尚書胡公求壘銘噫行為如公銘其何愧銘曰君子之德惟正故直惟公故碩惟澹故適于道之迪于民之則嗟乎郭公允備衆好嗟乎斯銘無愧有道

太子少保文靖金公墓志銘

文改

同前

太子少保禮部尚書兼武英殿大學士金公以宣德六年十二月十六日訃聞

上嗟悼甚至贈榮祿大夫少保謚文靖命禮部尚書胡濙賜祭又命自喪至祥禫皆遣官祭勅有司治喪筮百需所以褒寵之厚且備矣公諱善字幼孜以字行

自幼嗜學問內承家訓之篤長德前進士兼翰林
授春秋經得其微旨中進士乙科授戶科給事中
太宗皇帝初臨御注意文學士改翰林檢討居無幾間
翰林之臣七人處之內閣付以密務而兩制悉歸焉
七人者廬陵解大紳胡光大永嘉黃宗豫南昌胡若
思建安楊勉仁公與士奇也數月皆陞官公為侍講
授承德郎

仁宗皇帝在東宮時翰林春坊司經局之臣日講經史
公專說春秋數析簡明睿旨稱善遂命纂十二公事
作春秋要旨三卷以進永樂五年陞右春坊右諭德
仍兼侍講授奉訓大夫七年車駕巡狩北京公與光
大勉仁同扈從八年扈從北征還南京陞奉直大夫
十年賜誥命贈其考守正為右春坊右諭德母陳為
宜人封母羅為太宜人贈妻孔為宜人十一年扈從
巡北京從征北虜十二年復從北征陞翰林學士仍
兼諭德脩五經四書性理大全為總裁官授奉議大
夫十四年還南京明年扈從巡北京預脩

太祖皇帝實錄十八年陞文淵閣大學士仍兼翰林學
士二十年扈從北征二十二年復從征北既旋師中
道官車晏駕初喪至歛皆勉仁與公據禮行之既而

勉仁先馳歸報道中之儀容咨公而行

仁廟嗣位進戶部右侍郎仍兼文淵閣大學士翰林學士踰月陞太子少保兼武英殿大學士專典內制賜大臣五人銀圖書其文曰繩愆糾繆蓋以匡直勉之公其一也奉命持節冊封趙王妃及封梁王洪熙改元命兼禮部尚書三俸並支大臣兼三俸者惟勉仁與公兩人賜誥命授資善大夫贈其祖仲卿及父皆太子少保武英殿大學士祖母周母陳皆夫人進封母羅太夫人贈故妻劉繼室屠皆夫人以法司論死罪多寬抑命自今臨決必會大學士三人同審而公預焉詔百官有親遠離三年以上者聽給告歸省公首奏歸省母蓋前此百司職務填委無敢言私至是公首奉詔賜賚甚厚是歲丁太夫人憂

上嗣位脩兩朝實錄起公為總裁官明年奉命持節之寧夏冊封安化真寧二王妃歷河南關東西之境弔覽周秦漢唐以來遺墟故址悉見賦咏所過兵民休戚既還具言於

上實錄成賜金織襲衣文綺白金鞍馬是歲扈從巡邊至宣府而還歲餘得疾

上遣太醫院官視療數月竟不起春秋六十有四公為

人簡易沉默溫裕有容居家敦孝友之行既仕事

上以誠持論必正扈從北征時道中士卒有憊者

太宗皇帝知之以問羣臣羣臣未有對公直對宜遂班
師凡於公務致勤不倦處同僚能讓於人汎愛無計
其學該博文章和平寬厚類其德性四方求者無虛
日靡不酬應得一篇一詠者皆寶重之書無工真行
嘗考會試者一讀廷試卷者四不伐善不駑名初陞
學士寵賚日加即以盛滿為戒名其燕處之居曰退
菴疾革士竒勉仁問之有何曰公言受國家恩重上
無所益朝廷下無所益生民何言傍或啓之請身後

之澤者公正色曰君子所恥訖終清明未嘗片語涉
亂既卒自公侯六卿暨諸司之長皆哭吊奠祭士無
賢愚皆有喪善人之嘆嗚呼儒者際遇始終光榮如
公一世其樂何人公之所存蓋無忝矣子男五長昭
伯宣德二年進士次武伯堅伯文伯壽伯孫男六公
塋以卒之明年 月 日墓在 縣 鄉 原銘曰
玉筍崔巍金 湛澄公生其開華蘇挺英實與賢能
濟濟偕年青萍出匣淬礪初至六卿乘時登庸玉署
遶清紫臺春與寒暑無動風夕小心寅恭于狩于征
龍濟年從上 龍濟年從上 龍濟年從上 龍濟年從上

歷事三聖教終始不替不傾不傾有譽無毀初簡太師
天府所藏崇碑及書數種四方謙退之存易普不
嗚呼文靖可式有位

少保戶部尚書黃公神道碑銘 福 同前

自古仁人君子之明夫道者恒以天下國家為心而
不為其私計范希文言士當先天下之憂而憂後天
下之樂而樂夫天下之懷抱斯志者未嘗無人顧其
志得行與否則係於其所遇以希文之志猶不得盡
行於當時非所遇之難乎惟士之卓然有志者則不
以是而或怠然亦鮮矣三四十年間士奇所棲名鄉

大臣若東萊黃公其可為有志於希文而無愧者也
公稟剛毅之資持正直之節懷忠厚之志負遠大之
器風采凝重氣量宏偉而表裏洞達博學好古篤信
不疑不苟為同不矯為異不為勢屈不為禍懼惟義
之循惟道之行豈非士之卓然者與公諱福字如錫
東萊之昌邑人自少不凡以書經選洪武甲子鄉貢
入太學初授項城縣簿改清源縣皆有及民之政陞
金吾前衛知事改龍江左衛蚤暮勤職而才識明敏
剴別宿弊數出意見輔翼上官陞本衛經歷上書論

國大計

太祖皇帝覽而奇之超陞工部右侍郎特見信用

太宗皇帝初臨御法齊黃離聞之罪李景隆於

上前并指公為奸臣公厲聲言臣罪應死但目為奸則非
上知其正直不問遷左侍郎遂陞工部尚書檢校資善大

夫凡所陳奏悉見嘉納歲餘天下工匠集京師者多
疫死都御史陳瑛以為公罪劾奏之又不問初建北

京置行部時北方用兵累年民弊甚首改公為行部
尚書任之撫綏公據誠盡瘁植什濡焦而民以蘇交

趾逆命遣大將軍率師討罪命公先詣兩廣治軍實
調度有方用足而民不困交趾平郡縣其地建都指

揮司布政司按察司總之設官如制命公以尚書兼

掌布政按察二司印章而董其治公視民如子徇其
所欲革其所惡勞之輯之訓之飭之躬勤不倦且戒

郡邑吏咸備撫字之政吏承公仁無敢違戾公以新
造之邦新附之民政令條畫靡闕纖鉅悉盡心焉於

是交人益戴公如父時中朝士大夫以遷謫至者咸
見溫卹或有疾病躬造視之扶其貧者與之共事及

以教導其民而悉於禮焉中官馬麒怙恩肆虐自三
司以下皆縮首歛避惟公數裁抑之麒誣奏公有異

上深照其安曰此君子不容於小人寢其奏公居交阯
幾五十年

仁宗皇帝登極丘嘗共事志見採用時初建儲驛召公
還重書有元老久勞于外篤念不忘亟欲見之之語
瀕行交人扶老攜幼送公皆號泣不忍別既至深被
獎勞賜白金文綺遂命兼詹事蓋付託之重云無幾
仁廟上賓公董山陵之役

宣宗皇帝嗣位馬麒激變交阯時兵部尚書陳洽代公
掌藩臬二司累奏乞還公蓋以交人思公之深公先
已持節親藩冊封即日召還奉命復詣交阯時交寇
黎利據列城叛朝廷命將率師討之及公偕行將及
境交寇拒師總師者失律為寇所得并得公寇皆下
馬拜公曰公不北歸我曾不至此言已皆泣共置公
於館父事之公度寇無悔罪意即不食冀死寇謹防
護不去側竟禮送北歸既歸奏命偕平江伯陳瑄董
江南饟運公與平江協心合謀績用有成公上言足
食足兵省役三事切於時務並見嘉納

宣廟念公春秋高久勞在外陟南京戶部尚書

上龍飛之初以南京根本重地公先朝老成進榮祿大
夫少保仍兼尚書兼兼東城伯守隆南京守備公時

雖老事無鉅細必周于慮而裁處適當襄城惟公言
之聽文武諸司凡有疑務成就正焉於時南京政肅
民安蓋倚公為重朝廷下重書事關樞密者公必預
焉賜誥命授光祿大夫加贈三代又上言學校田賦
鈔法鹽法官俸事多見施行正統四年冬得疾日加
猶時強起議公務明年正月五日薨公卿以下奔走
哭吊訃聞賜祭命有司治葬賢士大夫皆傷正人之
沒以為世道惜公自小官至一品始終以國家生民
為心常取希文語名其退食之堂曰後樂臨大事決
大議衆或媿媿公獨奮斷衆或辟易公獨邁往人有
善告樂從如流斥奸闢諛無所顧忌下人有過多見
優容所與交游必輔於道憂國忘家老而彌篤所得
俸賜率分姻族屬繼之日室無百緡平生立心行事
一以不昧天理為主享年七十有八葬昌邑西新郭
之原曾祖佑志祖谷保考士中皆賜光祿大夫少保
無戶部尚書曾祖妣倪祖妣李妣王皆贈夫人配王
封夫人子男五瑄琮琇玕孫男二愷懋士奇與公
同朝四十年晚辱公知甚厚未薨之先歲余家予告
歸江右道過南京公時有疾首造焉矍然起執余手
論國事娓娓不片語及他嗚呼言猶在耳安得復見

正直憂國如黃公也哉瑾求書公墓上之石敬叙而
銘之銘曰維天之仁生賢與才上以輔德下以康時
士之高明識道在我我祇行之其敢佚隋萊有黃公
桓桓其資下道克明行之弗疑遭逢
列聖既五十載崇爵重秩踐揚中外靡遑夙夜靡間寢
興單智卑憲頡頏用誠益下以惠益

上以德敷發謀獻豈時正直凡民被疾猶痛在我民既
有瘳我食斯下南交初拊詔公拊循育之訓之响其
春溫交人戴公曰我父母有詔歸公如去恃怙肅肅
其度內直外方不始不吐推賢薦能先哲所存後天
下樂公寔承之秉執有確國之有公柱石在堂士之
仰之如霍與衡爵圭林林疇並公志遠不然遺匪時
之慨